

F 110  
T 64.2,  
款 = 6







郡齋讀書志

卷十八至卷二十

完


別集類中

總集類

別集類下

文說類







昭德先生郡齋讀書志卷第十八



門人姚應績編

別集類中

白居易長慶集七十一卷

右唐白居易樂天也

案通考有唐史云三字瞿鈔本袁本無

太原人居易

案瞿鈔本通考有詩中二字

自序生於鄭州滎陽

覆案袁本無居易至滎陽

貞元

十七年進士中拔萃科元和初制策一等調整厓尉入

翰林為學士大和初遷刑部侍郎會昌初以刑部尚書

致仕居易於文章最為精切尤工詩

案瞿鈔本袁本通考有初頗以



規諷得失及其多更下偶俗好十五字當時士人爭傳雞林賈國相率篇

易一金案瞿鈔本通考有與元微之酬唱故號元白與劉禹錫齊名號劉白十九字袁本無在杭

州時自類詩稿分諷諭閒適感傷雜律四類前集五十

卷有元稹序後集二十卷自為序紀又有續後集五卷

今止三卷矣予按案瞿鈔本袁本通考按作嘗謂樂天案瞿鈔本袁本通考有進退以

義風流高矣八嘗與禹錫遊人謂之劉白而不陷案瞿鈔本

有入字袁本通考亦有入字司馬黨中及與元稹遊人謂之元白而

不陷北司黨中又與楊虞卿為姻家而不陷牛李黨中

其風流高尚進退以義可想見矣案瞿鈔本袁本通考無其風至見矣十三

字嗚呼叔世有如斯人之髣髴者乎獨集中載聞李崖

州貶二絕句其言淺俗似幸其禍敗者余固疑非樂天

之語及考之編年崖州貶時樂天沒將踰年或曰浮屠

某所作也

戴叔倫述稿十卷外詩一卷書狀一卷

右唐戴叔倫幼公也潤州人為入溫雅善舉止中進士

第累遷容管經畧使政治稱最德宗賜中和詩世以為

榮代還請為道士未幾卒集有馬總序或題曰會錄唐

史但云師事蕭穎士初不稱其能詩以時人少其詩骨



氣綿弱故也

權德輿集五十卷 覆案袁本無十字誤

右唐權德輿載之也秦州人未冠以文章稱諸儒間貞

元十 覆案袁本有五字 年知制誥累官中書舍人元和五年以

禮部尚書平章事德輿三歲知變四聲四歲能賦詩積

思經術無不貫綜自始學至老未曾一日去書其文雅

正瞻縟當時公卿功德卓異者皆所銘記雖動止無外

飾其醞藉風流自然可慕貞元元和間為縉紳羽儀其

兩漢辨亾論世祖封不義侯議世多稱之云嘗自纂制

誥集五十卷楊憑為序今亾逸文集孫憲孫編次楊嗣復為序

符載集十四卷

右唐符載字厚之岐襄人幼有宏遠之志隱居廬山聚

書萬卷不為章句學貞元中李巽江西觀察薦其材授

奉禮郎為南昌軍副使繼辟西川韋臯掌書記澤潞郃

士美參謀歷協律郎監察御史元和中卒段文昌為墓

誌附於後集皆雜文末篇有數詩而已集前有崔郡 覆案

瞿鈔本通考郡作羣袁本郡與此同 王湘送符處士歸覲序皆云載蜀人



以比司馬王揚云

張登集六卷

右唐張登性剛潔耿介

案瞿鈔本袁本通考耿介作介特

始以巾褐就

辟歷衛佐廷尉平監察御史貞元中改河南

案通考有府字

曹掾遷殿中侍御史漳州刺史居七年坐公累受劾吏

議侵誣感疾卒權德輿為之序甚詳以公幹景陽比之

國史補亦稱登長於小賦氣宏而密間不容髮有織成

隱起結綵感金之狀其舊集詩賦之外書啟序述誌記

銘誄合一百二十二篇今存者纔六十餘首

戎昱集三卷

右唐戎昱撰初李叢廉察桂林月夜聞隣居吟詠之音

清暢遲明訪之乃昱也即延為幕賓後因飲席調其侍

兒叢微知其故即贈之昱感忤賦詩有恩合死前酬之

句又為衛伯玉荆南從事後歷辰虔二州刺史

元稹長慶集六十卷外集一卷

覆案袁本無外集一卷

右唐元稹微之也河南人擢明經書判入等授校書郎

元和初舉制科對策第一拜左拾遺在江陵與監軍崔

潭峻善潭峻以稹歌詩奏御穆宗賞悅除祠部郎中知



制誥未幾入翰林爲中書舍人承旨學士長慶二年拜  
同中書門下平章事積爲文長於詩與白居易齊名號  
元和體往往播樂府穆宗在東宮妃嬪近習皆誦之宮  
中呼爲元才子及知制誥變詔書體務純厚明切盛傳  
一時有長慶集百卷今亡其四十卷又有外集一卷詩  
五十二篇皆宮體也

覆案袁本無  
又有云云

皇甫湜文六卷

覆案通考湜  
文作持正集

右唐皇甫湜持正也睦州人元和元年進士仕至工部  
郎中裴度辟東都判官度修福先寺欲求碑文於白居

易湜怒曰近舍湜而遠取居易請從此辭度謝之湜卽  
酣飲援筆立就度贈車馬繒綵

案瞿鈔本袁本通  
考有甚厚二字

湜怒

曰吾自爲顧况集序後未嘗許人今碑字三千一字三  
縑何遇我薄邪度笑曰不羈之才也從而酬之今集雜  
文三十八篇而已况集序在焉而碑已亡矣

李紳追昔遊三卷

右唐李紳公垂也亳州人元和元年進士補國子助教  
穆宗召爲翰林學士累進中書舍人武宗卽位拜中書  
侍郎平章事紳爲人短小精悍於詩最有名號短李與



李德裕元稹同時號三俊追昔遊者蓋賦詩紀其平生  
所遊歷謂起梁漢歸諫署案袁本通考有升字翰苑及播越荆楚  
踰嶺嶠上高安移九江過鍾陵守滁陽轉壽春留洛陽  
廉會稽分務東周守蜀鎮梁也開成戊午八月自爲之  
序

鮑溶詩五卷

覆案袁本作一卷

右唐鮑溶字德源元和四年中進士第集中有別韓博  
士愈詩云不知無聲淚中感一顧厚蓋退之所嘗推激  
也張薦謂溶詩氣力宏贍博識清度雅正高古衆才無

不備具曾子固亦愛其詩清約謹嚴而違理者少因以  
史館本及歐陽公所藏互校得二百三十三篇今本有  
一百九十二篇餘逸

朱倣詩一卷

右唐朱倣字長通襄陽人隱居剡溪嗣曹王臯鎮江西  
辟節度參謀貞元初召爲拾遺不就

沈亞之集十卷

右唐沈亞之字下賢長安人元和十年進士涇原李彙  
辟掌書記爲祕書省正字長慶初補櫟陽尉四年爲福



建都團練副使事徐晦後累進殿中丞御史內供奉大  
和三年案原本初瞿鈔本袁本通考三年據改栢耆宣慰德州取為判官  
耆罷亞之貶南康尉後終郢州掾亞之以文詞得名狂  
躁貪污曾輔耆為惡故及於貶嘗遊韓愈門李賀杜牧  
李商隱俱有擬下賢詩亦當時名輩所稱許云此本之  
後有景文宋公題字稱得之於端明李學士編次無倫  
蓋唐本也予頗愛其能造語然其本極舛誤頗是正之  
且哀其遺闕者數篇及賀牧商隱三詩附於後

姚合詩十卷

覆案通考作姚少監集十卷

右唐姚合也崇曾孫以詩聞元和十一年李逢吉知舉  
進士歷武功主簿富平萬年尉寶應中監察殿中御史  
戶部員外郎出金杭二州刺史為刑戶二部郎中諫議  
大夫給事中陝虢觀察使開成末終秘書監世號姚武  
功云

施肩吾西山集五卷

右唐施肩吾吳興人元和十五年進士以豫章之西山  
乃十二真仙羽化之所心慕之因卜隱焉且以名其所  
著自為之序



李賀集四卷外集一卷

右唐李賀字長吉鄭王之孫七歲能辭章韓愈皇甫湜聞之過其家使賦詩援筆輒就自目曰高軒過二人大驚年二十七終協律郎賀詞尚奇詭爲詩未始先立題所得皆罄言邁遠去筆墨畦逕當時無能效者樂府十數篇雲韶工合之絃管云或說賀卒後爲不相悅者盡取其所著投園中以故世傳者不多外集予得之梁子美家姚鉉頗選載文粹中

盧仝詩一卷

右唐盧仝范陽人隱少室山號玉川子徵諫議不起唐史稱韓愈爲河南令愛其詩厚禮之嘗作月蝕詩以譏元和逆黨愈稱其工按其詩云元和庚寅蓋五年也憲宗遇弒在十五年後十歲也豈追託庚寅歲事爲詩乎不然則史誣也後死於甘露之禍

劉叉詩一卷

右唐劉叉也少嘗任俠殺人後更折節讀書善歌詩客韓愈門作米柱雪車二詩出盧仝李賀右歸齊魯不知所終今集二十餘篇爾不載二詩



斷金集一卷

右唐李逢吉令狐楚自未第至貴顯所唱和詩也後逢吉卒楚編次之得六十餘篇裴夷直名曰斷金集爲之序

杜牧樊川集二十卷外集一卷

右唐杜牧牧之也京兆人大和二年進士復舉制科會昌中以考功郎中知制誥終中書舍人牧善屬文剛直有奇節敢論列大事指陳利病爲詩情致豪邁人號小杜以別甫云臨終自爲墓誌悉焚所爲文章其甥裴廷翰輯其稿編次爲之後序樊川蓋杜氏所居外集皆詩也

許渾丁卯集二卷

右唐許渾字用晦圉師之後大和六年進士爲當塗太平二令以病免起潤州司馬大中三年爲監察御史歷虞部員外睦郢二州刺史嘗分司於朱方丁卯間自編所著因以爲名賀鑄本跋云按渾自序集三卷五百篇世傳本兩卷三百餘篇求訪二十年得沈氏曾氏本并取擬元天竺集校正之共得四百五十四篇予近得渾



集完本五百篇皆在然止兩卷唐藝文志亦言渾集兩卷鑄稱三卷者誤也

李涉歌詩一卷

右唐李涉

案袁本通考有渤之弟三字。覆案舊鈔袁本亦無。

也早從陳許辟一

再謫官夷陵大和中爲大學博士自號清溪子渤三詩

附

雍陶詩五卷

右唐雍陶字國鈞大和八年進士大中六年自國子毛詩博士出刺簡州唐志集十卷今亡其半

李商隱樊南甲集二十卷乙集二十卷又文集八卷

右唐李商隱義山也隴西人開成二年進士令狐楚奏爲集賢校理楚出汴滑興元皆表幕府嘗補太學博士初爲文瑰邁奇古及從楚學儷偶長短而繁縟過之旨意能感人人謂其橫絕前後無儔者今樊南甲乙集皆四六自爲序卽所謂繁縟者又有古賦及文共三卷辭旨恢詭宋景文序傳中稱譎恠則李商隱蓋以此詩五卷清新纖豔故舊史稱其與溫庭筠段成式齊名時號



三十六體云

李德裕會昌一品集二十卷姑臧集五卷平泉詩一卷窮愁志三卷別集八卷又賦一卷

右唐李德裕文饒也趙郡人宰相吉甫之子少力於學既冠卓犖有大節不喜與諸生試有司憲宗時以廕補拔書郎穆宗初擢翰林學士號令大典皆出其手進中書舍人召兵部尚書中書門下平章事會昌初復秉政平澤潞策功拜太尉封衛公大中貶崖州司戶參軍三年卒德裕性孤峭明辨有風采善爲文章雖在大位手

不去書謀議援古衮衮可喜爲武宗所知常以經綸天下爲己任時王室幾中興焉一品集鄭亞爲之序皆會昌制誥表狀外內冊贊碑序文也賦詩四首窮愁志乃在崖州時所撰姑臧集題段全緯纂上四卷亦制誥第五乃蔓黠斯朝貢傳與八詩別集乃裒合古賦平泉詩集外雜著又有古賦一卷載金松等四賦

陳黯文集三卷

右唐陳黯撰黯字希孺潁川人十歲能詩十三袖文謁清源牧牧面令賦詩頗稱賞之由是一時聲名大振會



昌初就鄉薦至禮部輒罷歸咸通中卒有羅隱黃滔序

劉得仁詩集一卷

案原本瞿鈔本通考俱作德仁今據袁本唐宋藝文志書錄解

改題

右唐劉得仁公主之子長慶中以詩名五言清瑩獨步

文場自開成後昆弟皆居顯仕獨自苦於詩舉進士二

十年竟無所成嘗有寄所知詩云外族帝王是

案袁本  
是作足

誤通考作恩瞿鈔本與此同

中朝親故稀翻令浮議者不許九霄飛

及卒詩僧棲白以絕句弔之曰忍苦為詩身到此冰魂

雪魄已難招直教桂子落墳上生得一枝冤始銷

劉綺莊歌詩四卷

右唐劉綺莊未詳其人唐

案瞿鈔本袁本通考俱無劉綺莊下八字

四庫書

目有綺莊集十卷今所餘止四卷詩三十二啟狀四十

四而已惜其散落大半其本乃南唐故物紙墨甚精後

題曰昇平四年重題印其文曰建鄴文房本內密字皆

闕其畫而超字不闕蓋吳時所繕寫也其詩如置酒揚

州送人皆不凡而樂府格調尤高然史逸其行事詩中

亦不可考獨啟事內有白韋崔三相公狀白乃敏中崔

乃元式韋乃琮也三人同相於宣宗初載其末云限守



藩服則知綺莊時已任刺史矣

薛逢歌詩二卷

右唐薛逢陶臣也河東人會昌元年進士終祕書監逢持論骯切以謀畧高自標顯與楊收王鐸同年登第而逢文藝最優收作相逢有詩云誰知金印朝天客同是沙堤避路人鐸作相逢又有詩云昨日鴻毛萬鈞重今朝山岳一毫輕二人皆怒故不見齒

鄭畋集五卷

右唐鄭畋台文也滎陽人會昌二年進士書判入等授

校書郎調渭南尉知制誥中書舍人乾符四年以本官同中書門下平章事二年召復秉政至成都以疾不拜終太子少保稿草皆乾符掌判敕語云

趙嘏渭南詩三卷

右唐趙嘏承祐也會昌四年進士終渭南尉杜紫微讀其早秋詩云殘星幾點雁橫塞長笛一聲人倚樓因謂之趙倚樓云

孟遲詩一卷

案袁本通考作孟達誤唐宋藝文志俱作遲○覆案舊鈔袁本亦作遲

右唐孟遲字叔之

案唐藝文志作遲之

平昌人會昌五年陳商下



及第

薛能集十卷

覆案通考  
能作許昌

右唐薛能字大拙汾州人會昌六年登進士第大中末  
書判中選補蓋屋尉辟太原陝虢河陽從事李福鎮滑  
表署觀察判官歷御史都官刑部員外郎福徙西蜀奏  
以自副咸通中攝嘉州刺史造朝遷主客度支刑部郎  
中俄刺同州京兆尹温璋貶命權知尹事出帥咸化入  
授工部尚書復節度徐州徙忠武廣明元年徐軍成激  
水經許能以軍懷舊惠館之城中時軍案時軍瞿鈔本  
袁本通考作許

軍下以供備至殺之并六十二字作懼見襲大將  
周岌乘眾疑怒逐能據城自稱留後因二十字以供

備踈闕大譟能登子城樓慰勞之久乃定忠武亦遣大

將周岌詣激水聞之夜還襲擊徐卒盡殺之且怨能之

厚徐卒也遂逐之能將奔襄陽亂兵追殺之并屠其家

能為政嚴察禁絕私謁資性倨傲輕佻忤物案瞿鈔本  
袁本通考

無資性云云八字有癖  
於詩日賦一章七字晚節惑浮屠法信奉惟謹案瞿  
鈔本

袁本通考有然恣驚倨傲佻輕  
以忤物十字下其為作及為其為藩鎮尤易武吏嘗

命其子屬橐鞬雅拜新進士或問其故曰與渠銷弭灾

咎云



李郢端公詩一卷

右唐李郢楚望也大中十年進士詩調清麗居餘杭踈於馳競爲藩鎮從事兼侍御史

鄭嵎津陽門詩一卷

右唐鄭嵎字賓光

案通考作賓先

大中五年進士津陽卽華清

宮之外闕嵎開成中過之聞逆旅主人道承平故實明日馬上成長句一千四百言自爲之序云

劉滄詩一卷

右唐劉滄字蘊靈大中八年進士詩頗清麗句法絕類

趙嘏

孫樵經緯集三卷

右唐孫樵字隱之大中九年進士廣明初黃巢犯闕赴岐隴授職方員外時詔書曰行在三絕以常侍李隲有曾閱之行前進士司空圖有巢由之風樵有楊馬之文遂輯所著名經緯集

李羣玉詩一卷

右唐李羣玉文山也澧州人曠逸不樂仕進專以吟詠自適詩筆妍麗才力道健好吹笙善書翰親友強赴舉



一上而止裴休廉察湖南延郡中大中八年來京師進詩三百篇休復論薦授宏文館校書郎集後附其進詩表并除官制太平廣記所載黃陵廟事甚異其絕句在焉

張祐詩一卷

右唐張祐字承吉清河人樂高尚客淮南杜牧爲度支使善其詩嘗贈之詩曰何人得似張公子千首詩輕萬戶侯嘗作淮南詩有人生只合揚州死禪智山光好墓田之句大中中果終丹陽旅舍

案袁本通考作隱舍人瞿鈔本脫上一字

以爲讖云

陳陶集二卷

右唐陳陶嵩伯也鄱陽人大中時隱洪州西山自號三教布衣云江南野史有傳

于武陵詩一卷

右唐于武陵大中進士

令狐楚表奏十卷

右唐令狐楚字殼士撰楚相憲宗爲文善於牋奏自爲序云登科後爲桂并四府從事掌牋奏者十三年始遷



御史綴其稿得一百九十三篇自號白雲孺子

温庭筠金荃集七卷外集一卷

右唐温庭筠也庭筠本名岐字飛卿宰相彦博之衣園詩

賦清麗與李商隱齊名時號温李案瞿鈔本袁本通考下無然薄至豔曲十

字有能逐弦吹之音為側豔之辭為行塵雜由是十七字下累舉作累年然薄於行多作側

辭豔曲累舉不第終國子助教宣宗嘗作詩賜宮人句

有金步搖遣場中對之庭筠對以玉跳脫上喜其敏欲

用之以嘗作詩忤時相令狐綯終廢斥云

皮日休文藪十卷

右唐皮日休字襲美一字逸少襄陽人隱鹿門山自號

醉吟先生以文章自負尤善箴銘咸通八年登進士第

為著作佐郎太常博士乾符之亂東出關為毘陵副使

陷巢賊中賊遣為讖文疑其譏已遂害之集乃咸通丙

戌年居州里所編自序云發篋次類文稿繁如數澤因

以名之凡二百篇

司空圖一鳴集三十卷

右唐司空圖表聖也河中人咸通十一年王凝下及第

黃巢陷長安僖宗次鳳翔召為知制誥中書舍人朱温



將募召為禮部尚書不赴聞哀帝遇弒不食而卒圖居  
中條山自號知非子耐辱居士集自為序以濯纓亭一  
鳴摠案瞿鈔本總袁本通考作摠名其集子荷別為集後記最長於  
詩其論詩有曰梅止於酸而鹽止於鹹味常在於酸鹹  
之外謂其詩慕聲花院靜蔭影石壇高之句為得之人  
以其言為然

唐彥謙鹿門詩一卷

右唐唐彥謙茂業也并州人咸通末舉進士第中和中  
王重榮表河中從事歷節度副使晉絳二州刺史重榮

遇害貶漢中掾興元楊守亮留署判官遷副使闕壁刺  
史卒彥謙才高負氣無所摧屈博學多藝尤能七言詩  
師溫庭筠故格體類之世稱耳聞明主提三尺眼見愚  
民盜一杯蓋彥謙句也自號鹿門先生有薛廷珪序

曹唐詩一卷

右唐曹唐字堯賓桂州人初為道士咸通中為府從事  
卒作遊仙詩百餘篇或靳之曰堯賓嘗作鬼詩唐曰何  
也井底有天春寂寂人間無路日覆案瞿鈔本袁本通考作月茫茫  
非鬼詩而何唐乃大哂今集中不見然他詩及神仙者



尚多

秦韜玉投知小錄三卷

右唐秦韜玉字中明京兆人有詞藻工歌吟險而好進為田令孜所善僖宗幸蜀令孜引為工部侍郎中和二年賜進士第編入春榜

雲臺編三卷宜陽外編一卷

右唐鄭谷字守愚宜春人光啟三年擢高第遷右拾遺歷都官郎中乾寧四年歸宜春卒於別墅其集號雲臺編者以其扈從華山下觀居所編次也谷詩屬思凝案袁

本通考作頗

切於理而格韻繁

覆案袁本通考作凡

猥語句浮俚不競

不為議者所多然一時傳諷號鄭都官而弗名也

陸龜蒙笠澤叢書四卷

右唐陸龜蒙魯望也蘇州人少高放通六經大義尤明春秋舉進士一不中從張搏為蘇湖從事居松江甫里以文章自怡少工歌詩其體裁不一卒造乎平淡而已自號江湖散人或號甫里先生著作之博新史多取之而獨不云工歌詩笠澤者松江地名也其集自序云自乾符六年春卧病笠澤時隱几著書詩賦銘記往往雜



發混而錄之故曰叢書今按其集歌詩為多又比他文最工新史踈漏如此

韓偓詩二卷香奩集一卷

右唐韓偓致堯也

案袁本通考書錄解題作致光

京兆人龍紀元年進

士累遷諫議大夫翰林學士昭宗幸鳳翔進兵部侍郎承旨朱全忠怒貶濮州司馬榮懿尉天祐初挈族依王審知而卒香奩集沈括筆談以為和凝所作凝既貴惡其側豔故詭稱偓著或謂括之言妄也

李洞詩一卷

右唐李洞字才江諸王之孫慕賈島為詩銅鑄為像事之如神時人多誚其僻澁不貴其奇峭惟吳融稱之昭宗時不第遊蜀卒

杜荀鶴唐風集十卷

右唐杜荀鶴池州人大順二年進士善為詞章

案瞿鈔本袁本

通考章作句切理

宣州田頽重之嘗以牋問至梁祖薦為翰林

學士主客員外恃勢侮易搢紳眾怒欲殺之而未及天祐初病卒有顧雲序荀鶴自號九華山人

程晏集六卷



右唐程晏字晏然乾寧二年進士集皆雜文

孫郃文纂一卷

右唐孫郃字希韓四明人乾寧四年進士好荀卿楊雄孟氏之書慕韓愈為校書郎河南府文學舊四十卷

朱朴致理書十卷

案此書已見雜家類袁本通考俱復出盧氏拾補云唐志本在

雜家不應在別集類晁氏語兩處不同

右唐朱朴也襄陽人以三史舉為荆門令乾寧中方士許巖士得幸禁中言朴有經濟才帝幸石門召對即拜諫議大夫平章事

曹松詩一卷

右唐曹松夢徵也舒州人學賈島為詩天復元年與王希羽劉象柯崇鄭希顏同登第年皆七十餘號五老榜時以新平內難聞放進士喜特敕授校書郎而卒

裴說詩一卷

右唐裴說撰天祐三年進士詩有避亂一身多之句

羅虬比紅兒詩一卷

右唐羅虬也皇朝方信

覆案瞿鈔本袁本通考作性

夫注虬詞藻富

贍與其族人隱鄴齊名時號三羅從鄜州李孝恭籍中



有杜紅兒者善歌常為副使者覆案袁本使者作戎瞿鈔本通考與此同屬

意副使聘隣道虬請紅兒歌贈之以綵孝恭不令受虬

怒拂衣而起詰旦手刃之既而追其寃作絕句詩百篇

案瞿鈔本袁本通考有借古人三字 以比其豔盛行於世

### 方干詩集一卷

右唐方干字雄飛歙人唐末舉進士不第隱鏡湖上徐

凝有詩名一見干器之授以詩律其貌寢陋又兔闕而

喜凌侮嘗謁廉帥誤三拜人號方三拜將薦於朝而卒

門人謚元英先生其集案袁本通考作甥 楊弁與孫郃編次遺

詩王贊為序郃又為作元英先生傳附

### 沈顏聲書十卷

右唐案瞿鈔本袁本通考作偽吳 沈顏字可鑄傳師之孫天復初進

士為校書郎避亂奔吳遂為吳案避亂至為吳瞿鈔本袁本通考作屬亂離奔

湖南辟巡官吳國建為淮南十五字 巡官禮儀使兵部郎中知制誥翰林

學士順義中卒顏少有辭藻琴碁皆臻妙場中語曰下

水船喻其為文敏速也案瞿鈔本袁本通考作言為文敏速無不載也 性閑淡

不樂世利嘗疾當時文章浮靡倣古著書百篇取元次

山聳叟之說附己志而名書其自序云自孟軻以後干



餘年經百千儒者咸未有聞焉天厭其極付在鄙子其  
誇誕如此

王德輿詩一卷

右唐王德輿集有次韻和鄭畋詩知其懿僖間人也

沈彬集一卷

右南唐沈彬保大中以尚書郎致仕居高安集中有與  
韋莊杜光庭貫休詩唐末三人皆在蜀疑其同時避亂  
嘗入蜀云上李昇山水圖詩在焉

胡笳十八拍一卷

右唐劉商撰漢蔡邕女如琰爲胡騎所掠因胡人吹蘆  
葉以爲歌遂翻爲琴曲其辭古淡商因擬之以叙琰事  
盛行一時案瞿鈔本袁本通考有商彭城人四字擢進士第歷臺省爲郎

好道術隱義興胡父渚世傳其仙去

熊皦屠龍集五卷

右晉熊皦後唐清泰二年進士爲延安劉景巖從事天  
福中說景巖歸朝擢右司諫坐累黜上津令集有陶穀  
序陳沆賞皦早梅詩云一夜欲開盡百花猶未知曰太  
妃容德於是乎在



鼎國詩三卷

右後唐李雄撰雄洛鞏人莊宗同光甲申歲遊金陵成  
都鄴下各爲詠古詩三十章以三國鼎峙故曰鼎國

羅隱甲乙集十卷讒書五卷

右杭越羅隱字昭諫餘杭人唐乾符中舉進士不第從  
事諸鎮皆無合久之而歸錢鏐辟掌書記歷節度判官  
副使奏授司勳郎中梁祖以諫議大夫召不行魏博羅  
紹威推爲叔父表薦給事中卒隱少聰敏作詩著文以  
譏刺爲主自號江東生其集皆自爲序

張蠙詩一卷

右僞蜀張蠙字象文清河人唐乾寧中進士爲校書郎  
櫟陽尉犀浦令王建開國拜膳部員外郎後爲金堂令  
王衍與徐后遊大慈寺見壁間書牆頭細雨垂纖草水  
面回風聚落花愛之問知蠙句給札令以詩進蠙以二  
百首獻衍頗重之將召爲知制誥宋光嗣以其輕傲止  
賜白金而已蠙生而穎秀幼能爲詩作登單于臺有白  
日地中出黃河天外來之句爲世所稱

盧延讓詩一卷



右偽蜀盧延讓子善也

案袁本通考有范陽人三字

唐光化元年進

士朗陵雷滿辟滿敗歸王建及僭號授水部員外郎累

遷給事中卒官終刑部侍郎延讓師薛能詩不尚奇巧

人多誚其淺俗獨吳融以其不蹈襲大奇之

### 牛嶠歌詩三卷

右偽蜀牛嶠字延峯隴西人唐相僧孺之後博學有文

以歌詩著名乾符五年進士歷拾遺補闕尚書郎王建

鎮西川辟判官及開國拜給事中卒集本三十卷自序

云竊慕李長吉所為歌詩輒效之

### 韋莊浣花集五卷

右偽蜀韋莊字端己仕王建至吏部侍郎平章事集乃

其弟藹所編以所居即杜甫草堂舊址故名偽史稱莊

有集二十卷今止存此

### 孫光憲鞏湖編玩三卷

右荆南孫光憲字孟先

案瞿鈔本袁本通考作文

陵州人王衍降唐

避地荆南從誨辟掌書記歷檢校祕書監御史大夫王

師收閬州光憲勸其主獻三州地乾德中終黃州刺史

自號葆光子



李煜集十卷

右僞唐主李煜重光也璟之子少聰悟喜讀書屬文工書畫知音律建隆三年嗣僞位開寶八年王師克金陵封違命侯太平興國三年終隴西郡公贈吳王江隣幾雜志云爲秦王廷美所毒而卒

韓熙載文集五卷

右僞唐韓熙載字叔言北海人後唐同光中進士南奔江淮李昇建國用爲祕書郎使與其子璟遊璟嗣位爲虞部員外史館修撰兼太常博士知制誥頃之請誅陳

覺黜和州司馬復召中書舍人累遷兵部尚書第宅華侈妓樂四十餘人不知檢束時人比徐之才璟屢欲倚以爲相用是不果後左授右庶子分司乃盡斥羣妓單車引道留爲祕書監俄復位已而其去妓皆還熙載天才俊敏工隸書及畫聲名冠一時自朱元叛後煜頗疑北人多因事誅之熙載愈益淫縱然喜延譽後進如舒雅等後多知名謚曰文

孫晟文集三卷

右南唐孫晟字鳳密州人好學有文辭尤長於詩少爲



道士嘗畫賈島像置於屋壁晨夕事之後乃儒服謁唐莊宗於鎮州莊宗以爲著作佐郎天成中奔於吳李昇父子用之爲相周世宗征淮上諸郡璟懼遣晟奉表求和世宗召問江南事不對殺之璟聞贈魯國公

### 潘佑滎陽集十卷

右僞唐潘佑金陵人韓熙載薦於璟授祕書正字直崇文館煜時爲虞部員外史館修撰知制誥中書舍人佑性貞介文章贍逸尤長論議坐言事悖慢下獄自經死人頗言張洎譖之

### 李有中詩集二卷

右僞唐李有中嘗爲新塗令與水部郎中孟賓于善賓于稱其詩如方干賈島之徒賓于晉天福中進士也有中集內有贈韓張徐三舍人詩韓乃熙載張乃洎徐乃鉉也春日詩云乾坤一夕兩草木萬方春頗佳他皆稱是

### 成彥雄梅頂集一卷

案原本瞿鈔本作徐鉉梅頂集一卷誤今據袁本通考改

右僞唐成彥雄江南進士有劉鉉序

案此條原本瞿鈔本脫去今據袁本

通考補



徐鉉集三十卷

案此條原本脫去今補

右偽唐徐鉉字鼎臣廣陵人仕楊溥為祕書郎直宣徽北院掌文翰李昇時知制誥煜時累遷翰林學士歸朝為直學士院給事中散騎常侍淳化初坐累黜靖難軍司馬鉉初至京師見御毛褐者輒哂之邠苦寒竟以冷氣入腹而卒鉉幼能屬文尤精小學

案通考此下有文思敏速凡所撰述

常不喜預作有欲從其求文者必戒臨事即來請往往執筆立就未嘗沈思三十七字

嘗謂為文

速則意思雄壯緩則體勢踈慢故未嘗沈思集有陳彭

年序

覆案通考無故未已下袁本與此亦異

賈島長江集十卷

右唐賈島閬仙也詩共三百七十九首唐書稱島范陽人初為浮屠名無本後從韓愈遂去浮屠舉進士累舉不第文宗時坐飛謗謫長江主簿會昌初終普州司倉參軍今長江祠堂中有石刻大中九年墨制也大中宣宗年號與傳不合據言又載武宗時謫去尤差誤

皎然杼山集十卷

右唐僧皎然撰字清書吳興人謝靈運十世孫工篇什德宗詔錄本納集賢院集前有于頔序并贈畫上人詩



貫休禪月集三十卷

覆案通考作寶月詩一卷

右唐僧貫休撰字德隱姓姜氏婺州人後入蜀號禪月大師初吳融為之序其弟子曇域削去別為序引偽蜀乾德中獻之

清塞詩一卷

右唐僧清塞字南卿詩格清雅與賈島無可齊名寶曆

中姚合泣杭

案袁本作為杭州刺史瞿鈔本通考作為杭脫誤

因攜書投謁合

聞其誦哭僧詩云凍鬚亾夜剃遺偈病中書大愛之因加以冠巾為周賀云

碧雲詩一卷

右唐僧虛中詩也司空圖嘗以詩贈之云十年太華無知己只得虛中一首詩

薛洪度詩一卷

覆案袁本作薛濤錦江集五卷

右唐薛濤字洪度四川樂妓工為詩當時人多與酬贈武元衡奏拔書郎大和中卒李肇云樂妓而工詩者濤亦文妖也

花蕊夫人詩一卷

右偽蜀孟昶愛姬也青城費氏女幼能屬文長於詩宮



詞尤有思致蜀平以俘輸織室後有罪賜死

吳越掌記集一卷

右唐羅隱也與其族人虬鄴齊名後歸吳越掌錢鏐記室集中其所著表啟也

昭德先生郡齋讀書志卷第十八終

昭德先生郡齋讀書志卷第十九

門人姚應績編

別集類下

神宗皇帝御集二百卷

右皇朝神宗皇帝撰章惇等纂紹聖初以元祐中所集

止九百四十三道案瞿鈔本通考有有旨二字命惇再加編次至元

符中書成上之案瞿鈔本通考無上之二字比元祐所編增多八千

七百三十道分文辭政事邊機三門言者謂案瞿鈔本通考謂作

仍元祐諸案瞿鈔本通考作之臣託案瞿鈔本通考有以字邊機不宜洩露



致案瞿鈔本通考無致字

掩没先帝盛美於是偏以賜羣臣云

### 范魯公集三十卷

右皇朝范質字文素大名人後唐長興中舉進士時和  
疑典貢舉覽質程文器之自以登第名在十三卽以其  
數處質舉子謂之傳衣鉢晉天福中爲翰林學士周廣  
順初拜相太祖受禪加兼侍中乾德二年始罷爲太子  
太傅卒年五十四將終戒其子旻勿請謚勿刻墓碑質  
力學強記好聚書旣登朝猶手不釋卷國史載其示從  
子詩家書自序薦呂餘慶趙普表三篇

### 趙韓王集三卷

右皇朝趙普字平則薊州人其父遷洛陽占籍焉乾德  
中代范質爲平章事太平興國六年及端拱初三入相  
薨封真定王謚忠獻卒年七十一普初少案瞿鈔本通考作無學  
術太宗勉之晚年頗該博

### 柳仲塗集一卷

右皇朝柳開字仲塗大名人開寶六年進士太平興國  
中上書願備邊用換崇儀使知寧邊軍徙全桂二州貶  
復州團練副使居久之復官歷環邠曹邢代忻滄五州



咸平四年終於京師

案原本作如京使瞿鈔本通考同今據袁本改

開幼奇警

有膽氣學必宗經慕韓愈柳宗元為文因名肩愈字紹

先覆案先瞿鈔本元蓋紹元意猶肩愈也疑元字是通考元

既而易今名字自以為

能開聖學

案瞿鈔本通考作道

之塗也集乃門人張景所編歐公

嘗推本朝古文自仲塗始

### 胡周父文集十卷

右皇朝胡旦字周父渤海人太平興國三年進士第一人知海州上河平頌先是盧多遜趙普罷頌內有逆遜投荒姦普屏外之語太宗怒貶商州團練副使上平燕

入議召復官再遷知制誥翟馬周上封事斥時政語連

旦謫坊州

案坊通考作防瞿鈔本與此同

團練副使復召知制誥草王

繼恩制辭溢美流潯州景德初以病致仕終祕書監為人雋辨強敏少有大志力學以瞻博聞雍熙淳化間奏御之文為時推賞晚節躋貨多干擾州縣持吏短長時論薄之

### 寇忠愍詩三卷

右皇朝寇準字平叔華州人太平興國中舉進士科淳化五年參知政事定策立真宗為皇太子景德元年辭



案瞿鈔本  
通考作拜

平章事契丹入寇決親征之策凡三入相真  
宗不豫皇后預政準白上請太子監國因令楊億草制  
且進億以代丁謂詰朝準被酒漏言累貶雷州司戶徙  
衡州司馬卒仁宗時贈中書令謚忠愍嘗封萊國公初  
篤學喜屬文尤長詩什多得警句在相位論議忠直不  
顧身謀仇邪媒孽旣以謫死或又謗之云在相位時與  
張齊賢相傾朱能爲天書降乾祐準知而不言曾子固  
明其不然曰審如是丁謂拂鬚固足以悅之司馬溫公  
訓儉文亦言其奢侈子孫丐於海上然以史考之萊公

蓋無子也集有范雍敘共二百四十首野水無人渡及  
江南春二首皆在獨到海只十里之詩已亾其全篇矣

張師黯集五十卷

右皇朝張洎字師黯滁州人仕李煜知制誥中書舍人  
歸朝爲史館修撰翰林學士淳化中參知政事至道二  
年卒洎風神灑落文辭清麗通釋氏學然性險陂而諂  
附集有吳淑序其子安期所編咸平五年上之

王元之小畜集三十卷

右皇朝王禹偁字元之鉅野人家微賤九歲能爲歌詩



畢士安見而異之及長善屬文太平興國八年登進士  
第端拱初試文擢左司諫知制誥判大理寺辨徐鉉罪  
忤上旨貶商州團練副使久之復召知制誥入翰林爲  
學士孝章皇后崩梓宮遷至主第禹偁謂后嘗母儀天  
下當用舊典以謗訕左遷知滁州真宗卽位復召掌制  
誥修太宗實錄坐語涉輕誣出守黃州徙蘄州卒年四  
十八元之辭學敏瞻獨步一時鋒氣俊厲極談世事臧  
否人物以直道自任故屢被擯斥喜稱獎後進當世名  
士多出其門下集自爲序

宋文安集一百卷

右皇朝宋白字素臣開封人年十二善屬文建隆二年  
進士調嘉州玉津令從太宗平晉獻頌上嘉之累擢翰  
林學士祥符中卒謚文安白之文頗浮麗而理致或不  
工典貢舉取王禹偁田錫胡旦時稱得人

案袁本通考  
有又名廣平

集五  
字

晁文元道院別集十五卷法藏碎金錄十卷耄智  
餘書三卷昭德新編三卷理樞一卷

右五世祖文元公也諱某

案通考  
作諱迴

字明遠澶州人自父



始徙家彭門幼從王禹偁學太平興國五年進士至道  
末擢右正言直史館知制誥入翰林爲學士加承旨眷  
禮優厚天禧中祈解近職判西京留司御史臺居六年  
請老以太子少保致仕終少傅年八十四文元謚也國  
史云公樂易淳固守道甚篤雖貴勢無所摧屈嘗言歷  
官臨事未嘗挾情害人以售進保全護固如兔髮膚之  
傷真宗數稱其長者楊億謂其所作書命得代言之體  
李獻臣亦言服膺墳典者年不倦少遇異人指導心要  
不喜術數之說疑文滯義須質正而後已文章典贍書

法端楷時輩推重自唐以來世掌誥命者惟楊於陵及  
見其子而晁氏繼之延譽後進其門人如宋宣獻晏元  
獻李邯鄲皆爲世顯人集皆自有序及李遵勗後序自  
經兵亂六世圖書焚棄無子遺法藏碎金世傳最廣先  
得之於趙郡蘇符昭德新編則得之於丹稜李燾道院  
別集則得之於知閬州王輔老智餘書則得之於眉山  
程敦厚理樞則得之於澠池集中

案瞿鈔本通  
考集作卷

### 晁文元道院集要三卷

右皇朝王古編其序云文元晁公博觀內書不徒力行



復勤於撰述以開導後學其書曰道院別集曰自擇增  
修百法曰法藏碎金曰隨因紀述曰耄智餘書余嘗徧  
閱之以爲名理之妙雖白樂天不迨也輒刪去重複總  
集精粹以便觀覽云古元祐中侍從

楊文公刀筆十卷

右皇朝楊億字大年建州人祖文逸嘗夢一羽人自稱  
懷玉山人覺而億生白毛被體其長盈尺踰月始墮雍  
熙初以才名聞年纔十一召至闕下

案瞿鈔本通考有得對二字

面

試詩賦授祕書省正字宰臣等賀得神童淳化中奏二

京賦命試禁林賜進士第久之直集賢院修永熙寶

覆案

通考作實

錄獨成五十六卷真宗卽位累擢知制誥入翰林

爲學士祥符中母病陽翟謁告不待報歸省俄自以疾

丐解官以太常少卿分司病愈起知汝州復爲學士卒

年四十七天性穎悟自幼迄終

案瞿鈔本通考作老

不離翰墨爲

文敏速對客談笑揮毫無滯博聞強記於歷代典章制  
度尤所該洽時多取正樂道人善後進翕然宗之然評  
品人物黑白太明姦邪疾惡之故屢被讒毀真宗愛其  
材特保持之僅免焉景祐中王晦叔上其代

案瞿鈔本通考作爲



寇相請皇太子親政疏草仁宗嘉歎特贈禮部尚書謚曰文刀筆集有陳詒序凡三百六十三首

張乖崖集十卷

右皇朝張詠字復之濮州人太平興國中進士累擢至樞密直學士御史中丞禮部尚書卒年七十少好擊劍兼通術數為文尚氣不事雕飾自號乖崖公知益州恩威並著至今人畏愛之錢易所撰墓誌李昉所纂語錄附於後

陳文惠愚丘集二卷潮陽編一卷

覆案通考無潮陽編一卷又作

陳氏語恐誤

右皇朝陳堯佐字希元閬州人端拱初進士累遷三司副使修永定實錄擢知制誥歷韶廬壽洛并同雍鄭八

州景祐四年

案通考作景德誤

召拜同中書門下平章事旋以

太子太師致仕年八十二卒號知餘子謚文惠堯佐屬辭尚古不牽世用喜為二韻詩辭調清警可雋味集皆自有序

田表聖咸平集五十卷

右皇朝田錫字表聖其先京兆人唐末徙於蜀國初與



胡旦何士宗齊名中太平興國三年進士第歷滑

案瞿鈔本

通考

作相臺桐廬淮陽海陵四郡守知制誥終於諫議大夫

范仲淹司馬光

覆案原本馬誤司今據瞿鈔本通考改正

讀其書皆稱其直

諒蘇軾亦以比賈誼云

### 李仲方集二十卷

右皇朝李維字仲方雍熙二年進士景德中知制誥遷中書舍人為翰林學士承旨年七十一維以文學進至老手不釋卷能詩嗜酒嘗謂人曰人生詩酒足則尚何營哉

### 民士編一十九卷

右皇朝陳充撰充成都人雍熙中擢甲科仕至刑部郎中知祥符六年貢舉卒年七十辭學典贍性曠達善談謔澹於榮利自號中庸子民士云者蓋其未仕已仕前後所著文也嘗以唐牛僧孺善惡無餘論為害教著書反之國史稱焉今集載其論兩篇

### 孫漢公集三十卷

右皇朝孫何字漢公蔡州人淳化三年應進士殿省俱中第一四遷起居舍人知制誥性下急嘗任京西東兩



浙轉運副使頗事苛察幼篤學嗜古為文宗經義與丁謂同為王元之所稱時謂之孫丁集有丁謂序

丁晉公集四卷

右皇朝丁謂字公言初字謂之蘇州人淳化三年進士累遷知制誥出知鄆州亳州昇州天禧四年拜平章事俄以戶部罷未幾復相封晉國公乾興中坐擅改永定陵貶崖州司戶更赦徙道州明道末以祕書監召還卒於光州幼聰敏書過目輒記不忘善為古文章尤工詩什儉巧險詖世鮮其儔大中祥符初上欲封禪未堅決

謂因言大計有餘議遂定當時所奏祥瑞事皆謂及王

欽若附會成之

案瞿鈔本通考附會成之作預焉二字

性喜圖畫博奕及

音律

案瞿鈔本通考性作多無及字

集皆詩也

案瞿鈔本通考此句在稱其賢智云下

吳

人自陸宣公後至謂始相本朝熙寧以來議者莫不指

謂為姦邪之首自王安石用事則稱其賢智云王安石

之大概亦從可知矣

案瞿鈔本通考無王安石云至末

鮮于伯圭集一卷

右皇朝鮮于瓌字伯圭閬中人文章為一時之冠累舉不第嘗作摠愁詞時人稱之李宗諤贈詩云漢殿無人



薦楊子滿朝空誦摠愁詞後與宗諤同年登科名列第  
四趙普判秦州辟為觀察推官卒

劉中山刀筆二卷淝川集四卷

右皇朝劉筠字子儀大名人咸平元年進士三遷右正  
言直史館以司諫知制誥出知鄧陳兩州召入翰林為  
學士嘗草丁謂李迪罷相制既而又命草制復留丁謂  
筠不奉詔遂出知廬州再召為學士月餘以疾知潁州  
後案瞿鈔本通考作三召入翰林加承旨未幾進戶部龍圖閣學  
士再知廬州為人不苟合學問宏博文章以理為主辭

尚緻密尤工篇詠能侔揣情狀音調淒麗自景德以來

與楊億以文章齊名號為楊劉天下宗之刀筆集

案袁本此

下有并肥川集四字

有黃鑑序

案辭尚緻密以下原本脫去瞿鈔本同今據袁本通考補

張晦之集二十卷

十九卷自此至末原本闕今據通考補其袁本與通考異者為

夾注

右皇朝張景字晦之師事柳開學為古文名震一時卒  
官至廷評年四十九集有文百九十三首禹偁所編并  
為之序

种明逸集六卷

覆案袁本集作詩



右皇朝种放字明逸長安人隱終南之豹林谷咸平中遣使召赴闕授左司諫累遷諫議大夫給事中祥符八年終工部侍郎放通經史七歲能屬文不喜釋氏常裂佛書以製帷帳著嗣禹說在朝有所啟奏時無知者楊億譏其循默真宗乃出其議十三篇以示輔臣晚年頗嗜酒覆案袁本嗜作縱盛輿服王嗣宗知京兆嘗條上其不法詔問狀不娶無子集乃姪孫說所編范巽為之序覆案袁本為之作卷首載真宗詔書及御製詩十首

晏元獻臨川集三十卷紫微集一卷

右皇朝晏殊字同叔臨川人景德二年覆案袁本二作三張知

白薦得召賜同進士出身再試文擢祕書正字為昇王

府記室累擢知制誥翰林學士寶元三年拜平章事四

年坐覆案袁本有撰李宸妃墓銘不言上宸妃所出及役兵治產十八字事罷知潁川歷

陳許雍終覆案袁本終作洛以疾歸侍經席卒性剛峻幼孤篤

學為文溫純應用尤長於詩抒情寓物辭多曠達當世

賢士如范文正歐覆案袁本有陽字文忠皆出其門女適富鄭

公楊察世稱其知人覆案袁本有云字集有兩本一本自作序

范文正公集二十卷別集四卷覆案袁本作范文正丹陽編八卷



右皇朝范仲淹字希文其先邠人大中祥符八年進士

覆案袁本有幼隨母適朱氏名悅後復今姓名擢右司諫爭廢郭后事出守睦蘇二州以召充天章閣待制知

開封獻百官圖詆宰相奪職知饒州歷潤越寶元初知

永興陝西經畧副使涇原帥敗例降官知耀州幾月改

環慶遷四路經畧招討使慶厯元年召拜九十五字下無仕至二字仕至樞密副使參知

政事案袁本有明年宣撫河東陝西俄知邠州病請南陽徙杭青二州卒二十二字謚文正為

學明經術跂慕古人事業慨然有康濟之志作文章尤

以傳道為任事母至孝姑蘇之范皆疎屬置義莊以賙

給之天下想聞其風采賢士大夫以不獲登案袁本有其字門

為恥獨梅堯臣嘗著碧雲駮以譏詆之云案袁本有集有蘇子瞻敘

六字

李復古集一百卷案袁本作一卷

右皇朝李迪字復古濮州人少從柳開學為古文開嘗

謂其門人張景高弁曰此公輔器也景祐初應進士擢

居第一累遷翰林學士拜同中書門下平章事後致仕

謚文定

孫文懿集三十卷

右皇朝孫抃字夢得眉山人六世祖長孺喜藏書貯以

樓蜀人號書樓孫家天聖中進士甲科累遷知制誥翰



林學士承旨後參知政事謚文懿

姚鉉文集二十卷

覆案見袁本後志

右皇朝姚鉉字寶臣廬州合肥人中進士甲科文辭敏麗淳化中直史館應制賦賞花釣魚詩特被嘉賞翌日命中使就第賜白金褒獎之累遷兩浙轉運使鉉雋爽尚氣薛映知杭州與之不協中以危法除其名卒年五十三

夏文莊集一百卷

右皇朝夏竦字子喬江州德安人以父死事補官舉賢

良除光祿丞累擢知制誥仁宗屢欲相之爲言者所攻而寢初封英國公後改封鄭謚文莊貴顯凡四十年天資好學自經史百氏陰陽律曆之書無所不通善爲文章尤長偶儷之語朝廷大典策屢以屬之爲詩巧麗皆山勢蜂腰斷溪流燕尾分之類其集夏伯孫編次有宋次道序

宋元憲集四十四卷

覆案此見袁本後志作緹巾集二十卷

右皇朝宋庠字公序開封雍丘人天聖中擢進士第一入翰林爲學士皇祐元年拜相嘉祐中復爲樞密使封



莒國公以司空致仕初名郊字伯庠御史言其姓符國號名應郊天乃改今名遺命子孫不得以其文集流傳

宋景文集一百五十卷

右皇朝宋祁字子京

覆案袁本有開封雍丘人天聖中八字

與其兄郊同

舉進士奏名第一章獻以為弟不可先兄乃擢郊第一

而以

覆案袁本有祁字

為第十當是時兄弟俱以辭賦妙天下

號大小宋累遷知制誥除翰林學士承旨以文章擅名

一時終不至大用眾頗惜之張方平為之請謚景文通

小學故其文多奇字蘇子瞻嘗謂其淵源皆有

覆案袁本有可

字考奇嶮或難句世以為知言集有出麾小集西川猥

稿之類合併而為一

案袁本無併字

田公金巖集兩卷

右皇朝田况字元均嘗登學究進士賢良科終尚書左丞嘗知成都聽斷之明以比張乖崖

何聖從廬江文集二十卷刀筆五卷奏議二十卷

右皇朝何郊字聖從成都人仁廟朝為御史諫官擢天章閣待制熙寧中以尚書右丞致仕歷漢梓永興河南四帥守天資好學殆廢寢食為詩章簡重淳淡有孟東



野之風其仕臺諫時知無不言頗有直聲鮮于子駿志

覆案袁本作誌上有嘗字其墓集有李邦直序

富文忠劄子集六卷奏議十二卷安邊策覆案袁本無安

邊策

右皇朝富弼字彥國河南人天聖八年中制科至和二年召拜同中書門下平章事元豐中卒年八十謚文忠其為文章辨而不華質而不俚晁以道為之序其畧曰人孰不仰公使虜之功上乃拜公覆案袁本無公字樞密副使而公力辭至和之末請立皇嗣之功人或未聞公於褒

進司徒則一命而不避公覆案袁本有每字聞人語及北事便

變色若不欲聞者至青州救災之功平居喜為人道之

石介嘗以夔契方公矣而嚴事王沂公薦士後至將相

者多矣而最喜覆案袁本善劉槩數事皆世所罕知者又曰

公於仁宗時言猶雨露也英宗時言猶海潮也神宗時

言猶鳳鳴也

徂徠集二十卷覆案袁本作石守道集二十卷

右皇朝石介字守道兗州奉符人天聖八年登進士第遷直集賢院篤學有大志嘗謂時無不可為不在其位



則行其言雖獲禍至死覆案袁本有而字不悔其為文章陳古

今治亂成敗以指切當時無所忌諱作慶曆聖德詩分

別邪正專斥夏竦其後守道死竦因誣以北走契丹請

剖棺驗視云

滄浪集十五卷覆案袁本作蘇子美集十六卷

右皇朝蘇舜欽字子美易簡之孫杜祁公行之壻也覆案

袁本無杜祁公行之壻六字景祐中進士累遷集賢校理監進奏院

坐用故紙錢會客除名慷慨有大志好古工覆案袁本無工字

文章及廢居蘇州買水石作滄浪亭益讀書發其憤懣

於歌詩其體豪放往往驚人又善草書酣醉落筆爭為

人所傳翫案袁本有集歐公為之序六字

梅聖俞宛陵集六十卷外集十卷案袁本無外集十卷

右皇朝梅堯臣字聖俞宛陵人少以蔭補吏累舉進士

輒抑於有司幼習為詩出語已驚人覆案袁本已驚人作以警其長者

既長學六經仁義之說其為文章簡古純粹然最樂為

詩案袁本有王舉正見而歎曰二百年無此作矣十四字歐陽永叔與之友善其

意如韓愈之待郊島云

尹師魯集二十卷



右皇朝尹洙字師魯河南人天聖中進士以薦為館閣

校勘累遷右司諫知渭州兼鎮覆案袁本涇源路經畧公

事爭城永洛事為董士廉所訟遣御史就鞫不能得其

罪猶貶筠州監酒師魯內剛而外和與人言必極辯其

是非如覆案袁本無如字 前世治亂沿革之變靡不該博人有

疑不能通為指畫講說皆釋然自得尤長於春秋文章

自唐末卑弱覆案袁本有柳開始為古文覆案袁本天聖

初與穆修大振起之

六一居士集一百五十二卷附錄四卷年譜一卷

覆案袁本作歐陽文忠公集八十卷諫垣集八卷

右皇朝歐陽修字永叔吉州人舉進士累遷知制誥夏

竦以永叔黨於杜韓范富因以外甥張氏事污之下開

封府治之無狀坐用張氏險中物市田出知滁州召入

修唐書為翰林學士未幾參知政事蔣之奇言其帷箔

事連其子婦吳氏詔詰之奇辭窮坐貶年六十乞致仕

卒謚文忠博極羣書好學不倦尤以獎進天下士為己

任延譽慰藉極其力而後已於經術治其大指不求異

於諸儒與尹洙皆為古學遂為天下宗匠蘇明允以其



文辭令雍容似李翱切近適當似陸贄而其才亦似過此兩人至其作唐書五代史不愧班固劉向也獨議濮邸事議者不以爲是覆案袁本有有蘇子瞻序五字

劉公是集七十五卷

右皇朝劉敞字原父

覆案袁本父作甫下同

袁州人慶曆中舉進

士廷試第一累遷知制誥出知永興

案袁本此下有惑官妓得驚眩疾力

求便郡仁宗謂執政曰如敞者豈易得邪賜以新橙五十三字

爲人明白俊偉自六

經百氏下至傳記無所不通爲文章尤敏瞻好摹倣古

語句度在西掖時嘗食頃草

覆案袁本作揮

九制各得其體英

宗嘗語及原父韓魏公對以有文學歐陽

覆案袁本無陽字

公

曰其文章未佳特博學可稱耳

孫明復睢陽子集十卷

覆案袁本子作小

右皇朝孫復字

覆案袁本無復字二字

明復晉州人居泰山深於

春秋自石介以次

覆案袁本次作下

皆師事之年四十未娶季

丞相迪以其弟

覆案袁本有之字

子妻之慶曆中范文正公富

鄭公言之於朝除國子監直講嘗對邇英閣說詩上欲

以爲侍講楊安國沮之而寢

蔡君謨集十七卷



右皇朝蔡襄字君謨興化人天聖中舉進士在慶曆四

諫官選中

覆案袁本在慶曆四諫官選中作慶曆三年知諫院仁宗慨然思治增置諫官四員君謨

在選中又有皇祐中知制誥六字

累遷至

覆案袁本無至字

翰林學士權三司

使嘗知福泉杭三州文章清迥粹美工書為本朝第一

案袁本有殘章斷藁得者珍藏之在泉州之日喪叔母在告其僚章拱之黃垵燕飲用樂君謨怒中以危法後數為拱之所訴四十四字

### 鄭毅夫鄖溪集五十卷

右皇朝鄭獬字毅夫安州人少俊異為詩賦有聲廷試

第一累遷知制誥入翰林

覆案袁本有為字

學士王安石不悅

之乘宰相在告除獬知杭州為文有豪氣峭整無長語

與滕達道少相善並

覆案袁本無並字

嗜酒落魄無檢操人目

之為

覆案袁本本作曰

滕屠鄭沽云

### 曾子固南豐類稿五十卷

案袁本南作元

右皇朝曾鞏字子固南豐人元豐中為中書舍人卒子

固師事歐陽永叔早以文章名天下壯年其文慄鷙奔

放雄渾瓌偉

覆案袁本本作璋

其自負要自

案袁本作似

劉向藐視韓

愈以下也晚年始在掖垣屬新官制方除目填委占紙

肆書初若不經意及屬草授吏所以本法意原職守為



之訓勅者人人不同瞻裕雅重自成一家歐公門下士  
多為世顯人議者獨以子固為得其傳猶學浮屠者所  
謂嫡嗣云

曾子開曲阜集四十卷奏議十二卷西掖集十二

卷內制五十卷外制三十卷

案袁本無外制三十卷

右皇朝曾肇字子開子固之弟也登進士第元祐中為  
中書舍人元符末再入西掖遂為翰林學士前後歷陳  
穎宋泰海和金陵真定九郡帥守坐兄子宣貶亦以散  
官汀州安置崇寧末移台州居京口而終封曲阜侯

### 蘇明允嘉祐集十五卷

右皇朝蘇洵字明允眉山人至和中歐陽永叔得明允  
書二十二篇大愛其文辭以為覆案袁本有雖字賈誼劉向不

過也以書獻除校書郎與姚子張同編太常因草禮百  
卷書方成而卒治平史臣謂永叔所獻明允之文甚美

覆案袁本有然字

大抵兵謀權利機變之言也

蘇子瞻東坡集四十卷後集二十卷奏議十五卷

內制十卷外制三卷和陶集四卷應詔集十卷

右皇朝蘇軾字子瞻洵之長子也軾生十年其母授以



書聞古今成敗輒能語其要比冠學通經史屬文日數  
 千言嘉祐中歐陽永叔考試禮部進士梅聖俞與其事  
 得其論刑賞以示永叔至驚喜以為異人欲以冠多士  
 疑曾子固所為乃寘之第二等覆案袁本無等字後以書謝永  
 叔見之語客曰老夫當避此人放出一頭地又以直言  
 薦之答策入上等英宗在藩邸聞其名欲以唐故事召  
 入翰林宰相不可知湖州以表謝上言事者摘其語以  
 為謗覆案袁本為謗作謗聞遣官逮赴御史臺覆案袁本臺作獄初子瞻  
 當王安石紛更法度之際見其事不便於民則覆案袁本無則

字賦詩以諷焉覆案袁本諷作刺言者從而擠陷覆案袁本擠陷作媒孽

欲寘之死神宗薄其過責覆案袁本作謫下同置黃州溫公相哲

宗累擢中書舍人除翰林學士承旨紹聖中坐草責呂

惠卿制直書其罪誣以訛謗安置惠州徙昌化元符初

覆案袁本作中北還卒於常州初好賈誼陸贄書論古今治亂

不為空言既責黃州杜門深居馳騁翰墨其文覆案袁本無其

文二一變平生遇事所為詩騷銘記書檄論議率皆過

人晚喜陶淵明詩和之幾徧為人英辯奇偉於書無所

不通所作文章才落筆四海已皆傳誦下至閭閻田里



外至夷狄莫不知

覆案袁本有其字

名門下賓客亦皆一世豪

傑其盛本朝所未有也立朝知無不為世稱其忠義嘗

自比范滂孔融議者不以為過在黃州日自號東坡居

士世因不呼其名止目之為東坡云

蘇子由樂城集前集五十卷後集二十四卷第三

□□

覆案袁本不空

集十卷應詔集十二卷

右皇朝蘇轍字子由洵之次子也年十九中進士第二

十

覆案袁本有二字

舉直言因所問極言得失策入或欲黜之

仁宗不許

覆案袁本有曰以直言召入而以直言見棄天下謂我何十七字

擢商州推

官以

覆案袁本以作久之其三字

兄得罪從坐謫筠州監酒

覆案袁本筠州

監酒作監筠州酒稅

宣仁臨朝相温公擢中書舍人代子瞻為翰

林學士未幾拜尚書左丞紹聖初責置雷州後北還凡

居雷循七年居許十六年杜門理舊學於是詩春秋傳

老子解古史書皆成自謂得聖賢遺意

王介甫臨川集一百三十卷

右皇朝王安石字介甫撫州臨川人慶曆三年進士累

除

覆案袁本有知字

制誥神宗在藩邸見其文異之召為翰林

學士熙寧三年拜中書門下平章事熙寧七年罷明年



再入相九年罷卒年六十六謚文公其壻蔡卞謂自先  
王澤竭士習卑陋不知道德性命之理安石奮乎百世  
之下追堯舜三代通乎晝夜陰陽所不能測而入於神  
著雜說數十覆案袁本無十字萬言其言與孟軻相上下晚以  
所覺覆案袁本學考字畫奇耦橫直深造天地陰陽造化之  
理著字說包括萬象與易相覆案袁本本作象表裏崇寧初卞之  
兄京秉政詔配文宣王廟近時議者謂自紹聖以來學  
術政事敗壞殘酷貽禍社稷實出於安石云

華陽集一百卷

覆案見袁本附志此非晁志故不載通考異同

右皇朝王珪字禹玉其先成都人故號華陽後居開封  
少好學日誦數千言及長博通羣書慶曆二年廷試第  
二嘉祐初入翰林至熙寧三年始參大政凡為學士者  
十五年後拜相薨年六十七謚文恭

司馬文正公傳家集

案袁本無公字末有八十卷三字

右皇朝司馬光字君實

覆案袁本有也字

陝州夏縣人初以父

蔭入官年二十舉進士甲科故相龐籍薦除館閣校理  
神宗即位擢翰林學士御史中丞後除樞密副使力辭  
而去元祐初拜門下侍郎繼遷尚書左僕射覆案袁本無繼遷至



僕射卒年六十八覆案袁本無八字謚文正好學如飢之嗜食於

學無所不通音樂律厯天文書覆案袁本作厯數皆極其妙晚

節猶好禮覆案袁本猶作尤其文如金玉穀帛藥石也必有適

於用無益之文未嘗一語及之集乃公自編次公薨子

康又沒晁以道得而藏之中更禁錮迨至渡江幸不失

墜後以授謝克家劉嶠覆案袁本有得而二字刻版上之今光州

有集本覆案袁本無此六字

張少愚白雲集三十卷覆案袁本二十卷

右皇朝張俞字少愚幼通悟於書無不該貫朝廷嘗以

拔書郎召表乞授其父隱於岷山之白雲溪凡六被徵

覆案袁本無徵字召皆不起為文有西漢風嘗賦洛陽懷古蘇

子美見而歎曰優游感諷意不可盡吾不能也

晁氏新城集十卷此據袁本補

右皇朝族祖新城府君也公諱某案書錄解題作端友字君成早

登進士第為新城令以沒蘇子瞻嘗稱其詩清厚靜深

而每篇輒出新意奇語

文與可丹淵集四十卷

右皇朝文同字與可蜀人進士高第以文學名操韻高



潔畫筆尤妙仕至太常博士集賢校理元豐初出守吳興至宛丘驛忽留不行覆案袁本有沐浴衣冠覆案袁本作冠

帶正坐而逝

元章簡玉堂集二十卷覆案袁本後志元氏集三卷

右絳覆案袁本後志絳上有皇朝元三字絳下有字厚之杭州人六字鑠廳中進士第

為翰林學士參知政事立朝無特操晚入翰林諂事王安石及其子弟時論鄙之工文辭為流輩所推許卒時

年七十六覆案袁本後志有謚章簡三字

蒲左丞集十卷

右皇朝蒲宗孟字傳正閬州新井人皇祐五年進士曾

公亮薦除館職神宗謂宰相曰宗孟有史才乃同修國

史入為翰林學士除尚書左丞卒年六十六為人酷暴

奢侈蘇子瞻嘗規之云一曰慈二曰儉世以為中其膏

育之疾

趙懿簡集三十卷

右皇朝趙瞻字大觀盩厔人少善為古文慶曆五年登

進士第治覆案袁本有中案袁本有為字侍御史論濮邸事及貶

元祐中終於同知樞密院謚懿簡學春秋著書十卷其



他文不皆奇也

鮮于諫議集三卷

右皇朝鮮于侁字子駿閬中人景祐中登進士乙科神宗初上書上愛其文以為不減王陶元祐中仕至諫議大夫侁治經術有法論著多出新意晚年為詩與楚辭尤精覆案袁本作工世覆案袁本作人以為有屈宋風族妣覆案袁本作人之武編次有序

楊元素集四十卷

右皇朝楊繪字元素漢州綿竹人幼警敏讀書一過輒

誦至老不忘皇祐初擢進士第二人累擢翰林學士沈存中為三司使暴其所薦王永年事因貶官終於天章閣待制知杭州嘗居無為山號無為子為文立就

李誠之集三卷

右皇朝李師中字誠之中進士科仁宗朝覆案袁本宗朝作廟時

權廣南轉運使終天章閣待制唐子方貶春州覆案袁本有誠字嘗有詩送行盛傳一時

伊川集二十卷覆案袁本首有程字

右皇朝崇政殿說書覆案袁本無崇政殿說書五字程頤字正叔撰覆案



袁本無撰字

珣之子也少與其兄顥從汝南周茂叔

覆案袁本作敦

實學元祐初司馬溫公薦於朝自布衣擢

案袁本有崇政殿三字

說書未幾罷紹聖中嘗謫涪陵顥務讀

案袁本作談

經明道

深斥辭章之學從其遊者多知名於世

### 張橫渠崇文集十卷

右皇朝張載字厚之

案宋史本傳作子厚

京師人後居鳳翔之橫

渠鎮學者稱曰橫渠先生呂晦叔薦之於朝命校書崇

文未幾詔按獄浙東既歸卒

### 孫賢良進卷十卷

右皇朝孫洙字巨源廣陵人歐陽永叔舉洙賢良上策

論五十篇極論時事元豐中直學士院奉詔作靈津廟

碑上稱洙學術行誼且大用之暴得風緩而卒或云上

欲復大理獄洙對合旨由是驟進

### 錢賢良進卷十卷

右皇朝錢公輔字君倚武進人從胡瑗學昭陵末知制

誥

### 呂晉伯輞川集五卷奏議十卷

右皇朝呂大忠字晉伯藍田人汲公之兄皇祐中進士



除檢詳

覆案袁本

樞密院吏房文字為河北轉運判官累

遷寶文閣直學士三帥秦鳳

覆案袁本無此四字

晉伯博極羣書

為文尚理致有益於用章奏皆親為文

覆案袁本作之

呂汲公文錄二十卷文錄掇遺一卷

右皇朝呂大防微仲京兆藍田人皇祐初中進士第哲

宗即位召知制誥翰林學士拜尚書左僕射兼門下侍

郎紹聖初責授舒州團練副使循州安置未踰嶺卒大

防既拜相常分其俸之半以錄書故所藏甚富其在翰

林書命典麗議者謂在元絳之上云

呂和叔誠德集三十卷

右皇朝呂大鈞

覆案袁本有字字

和叔嘉祐二年中進士第大

防仲弟也終於宣義郎鄜延路漕司屬官師張厚之贍

學博文

案袁本作聞

無所不該其文

覆案袁本有章字

非義理不發

呂與叔玉溪集二十五卷玉溪別集十卷

覆案袁本作一

十卷

右皇朝呂大臨字與叔汲公季弟也登進士第嘗歷太

學博士秘書省正字從程正叔張厚之學通六經尤精

於禮解中庸大學等篇行於世嘗賦詩云學如元凱方



成癖辭類相如始近俳獨倚聖門無一事願同回也日  
案袁本作得心齋正叔可之

范子功集五十卷

右皇朝范百祿字子功鎮之姪也終於中書侍郎

張浮休畫墁集一百卷奏議十卷

右皇朝張舜民芸叟邠州人慶厯中范仲淹帥邠見其  
文異之用温公薦為諫官仕至吏部侍郎後羈置房陵  
政和中卒其文豪重有理致而最刻意於詩晚年為樂  
府百餘篇自序稱年踰耳順方敢言詩百世之後必有

知音者云覆案袁本云上無自號浮休先生唐張鷟稱

浮休子芸叟蓋襲之覆案袁本無唐張鷟云云至末

黃魯直豫章集三十卷外集十四卷

右皇朝黃庭堅覆案袁本有字字魯直幼警悟讀書五行俱下

數過輒記覆案袁本作憶蘇子瞻嘗見其詩於孫莘老家歎絕

以為世久無此作矣因以詩往來會子瞻以詩得罪亦

罰金元祐中為校書郎先是秦少游晁無咎張文潛皆

以文學游蘇氏之門至是同入館世號四學士覆案袁本有而

魯直之詩尤奇世又謂之蘇黃云紹聖初責覆案袁本作謫



下無置字 置戎州至徽宗即位召還 覆案袁本無至徽宗即位召還七字 嘗因

嘲謔忤趙正夫及正夫為相諭部使者以風旨 案袁本有摘字

所作承天院塔記中語以為幸災謗國遂除名編隸宜

州以死崇寧四年也 覆案袁本宜州下作以崇寧四年九月三十日卒

### 晁無咎雞肋編七十卷

右皇朝族父吏部公也公諱某 覆案袁本作補之 字無咎幼豪

邁英爽不羣七歲能屬文日誦千言王安國 案袁本作石 名

重天下慎許可一見大奇之在杭州作文曰七述叙杭

之山川人物之盛麗時蘇子瞻倅杭州亦欲有所賦見

其所作歎曰吾可以閣筆矣子瞻以文章名一時 覆案袁本

有至字下無稱其云云十二字 稱其博辨俊偉於文無所不能屈輩行

與之交由此聲名藉甚舉進士禮部別試第一而考官

謂其文辭近世未有遂以進御神宗曰是深於經可草

浮薄元祐中除校書郎紹聖初落職監信 覆案袁本作處 州酒

後知泗州終於官大觀四年也張耒嘗言無咎 覆案袁本無張耒嘗言無咎六字

於文章蓋天性讀書不過一載終身不怠自

少為文即能追考屈宋班楊下逮韓愈柳宗元之作 覆案

袁本作追考左氏戰國策太史公班固楊雄劉向屈原宋玉韓愈柳宗元之作 促駕而力鞭之



務與之齊而後已其凌厲奇卓出於天才非醞釀而成者自韓柳而還蓋不足道也

覆案袁本讀書不  
過一載載作再

### 張文潛柯山集一百卷

右皇朝張耒字文潛譙郡人仕至起居舍人嘗為宣潤

汝穎充五州守又嘗謫居黃州復州最後居陳以沒元

祐中蘇氏兄弟以文章

覆案袁本  
無章字

倡天下號長公少公

其門人號四學士文潛少公

覆案袁本  
有之字

客也諸人多早

沒文潛獨後亾故詩文傳於世者尤多其於詩文兼長

覆案袁本  
有遷謫字雖同時鮮復其比而晚年更喜白樂天詩體

多效之云

### 秦少游淮海集三十卷

右皇朝秦觀字少游高郵人登進士第元祐初除校勘

黃本書籍紹聖中除名編隸橫州遇赦北歸至藤州卒

蘇子瞻嘗謂李廌曰少游之文如美玉無瑕又琢磨之

功殆未有出其右者王介甫謂其詩新清婉麗鮑謝似

之

覆案袁本無王介  
甫至似之十四字

少游亦自言其文銖兩不差但以

覆案袁本  
無以字華麗為愧耳呂氏童蒙訓謂少游過嶺後詩

嚴重高古自成一家與舊作不同

覆案袁本無呂  
氏云云至末



陳無已后山集二十卷

右皇朝陳師道無已彭城人少以文謁曾南豐南豐一

見奇之許其必以文著元祐中侍從合薦於朝起為太

學博士紹聖初覆案袁本初作中以進非科舉而罷建中靖國

初入秘書為正字以卒為文至多少不中意則焚之案袁

本有存者才十一五字

畢公叔西臺集五十卷覆案袁本作二十卷

右皇朝畢仲游字公叔早登進士第元祐中召天下文

學之士十覆案袁本無十字三人策試翰林院蘇子瞻以公叔

為第一除集賢校理又表自代云學貫經史才通世務

文章精麗議論覆案袁本作論議有餘自臺郎為憲漕綽有能

聲後入覆案袁本後入作以黨籍終於西京留臺集陳叔易為之

序

廖明畧竹林集三卷

右皇朝廖正一字明畧元祐中召試館職蘇子瞻在翰

林見其所對策大奇之俄除正字時黃秦晁張皆子瞻

門下士號四學士子瞻待之厚每來必命侍妾朝雲取

密雲龍家人以此知之一日又命覆案袁本無命字取密雲龍



家人謂是四學士窺之乃明畧來謝也紹聖間明畧貶  
信州玉山監稅鬱鬱不得志喪明而沒自號竹林居士  
邢敦夫呻吟集一卷

右皇朝邢居實字敦夫和叔之子也年十四賦明君

覆案

袁本  
作妃

引蘇子瞻見而稱之由是知名未幾和叔貶隨州

敦夫侍行病羸嘔血一日有鈴下老卒驕慢應對不遜  
敦夫怒而擊之無何卒死和叔怒以敦夫屬吏以故疾  
日侵而夭故黃魯直為之挽云眼看白璧埋黃壤何況  
人間父子情蓋隱之也集後有子瞻魯直無咎諸公跋

### 唐子西集十卷

右皇朝唐庚字子西眉山人登進士第早受知於張天  
覺天覺為相擢京畿提舉常平且欲用為諫官天覺去  
位後覆案袁本去位  
後作欲去位言者謂子西常宣言有一網打盡  
之語貶惠州大觀五年會赦北歸

### 陳瑩中了齋集三十卷

右皇朝陳瓘字瑩中延平人建中靖國初為右司諫嘗

移書責曾布及言蔡京及

覆案袁  
本作與

弟卞之姦惡章疏

覆案

袁本  
作數

十上除名編隸合浦以死靖康中

覆案袁  
本作初

贈諫



議大夫自號了翁

陳司諫集兩卷

右皇朝陳祐字純益仙井監人登進士第建中靖國初

為臺諫與龔夬任伯兩江案袁本作張公望協力彈擊紹聖

姦臣後蔡京用事廢斥而沒

婆娑集三十卷

覆案袁本首有崔德符三字

右鷗

案袁本鷗上有皇朝崔三字下有字德符早中進士第八字

元符末上書入邪

等廢斥幾三十年

覆案袁本有靖康初召為右正言居無何感疾卒十四字

其為文

覆案袁本無為字

最長於詩清婉敷腴有唐人風

劉巨濟前溪集五卷

右皇朝劉涇字巨濟蜀人終於太學博士為文

案袁本有頗字

奇怪

李元應跨鰲集五十卷

右皇朝李新字元應仙井監人早登進士第劉涇嘗薦

於蘇子瞻令

覆案袁本作命

賦墨竹口占一絕立就坐元符末

上書奪官謫置遂州流落終身跨鰲仙井山名也

滿氏昌邑集二十卷

覆案見袁本後志

右皇朝滿中行字思復登進士第元豐中為太學官虞



蕃獄起思復獨不絀吏議詔褒之

馮允南集十卷

覆案見袁本後志

右皇朝馮山字允南普州人鄧綰為中丞薦為臺官允南力辭不就士論稱之

晁氏景迂集十二卷

右從父詹事公也諱某

案袁本作說之

字以道文元公元孫少

慕司馬溫公為人自號景迂生年

覆案袁本無生年二字

未三十

蘇子瞻以著述科薦之元符中上書居邪中等博極羣書通六經尤精於易傳邵堯夫之學著太極傳縉紳高

其節行嘗守成州時民訴歲旱公以為十分益

案袁本作盡

蠲其稅轉運使大怒督責甚峻因丐老而歸靖康初以著作郎召遷秘書監免試除中書舍人兼太子詹事俄以論不合去建炎初終於徽猷閣待制

晁氏崇福集三十五卷四六集十五卷

右從父崇福公也

案袁本有諱詠之字之道以道弟也十字

登進士第又中

宏詞第一元符末上書居邪等廢斥二十年以朝請郎

奉祠崇福宮而終故以名集

覆案袁本無此四字

天才英特為文

章立成明潤密緻世以為宜在北門西掖云



晁氏封丘集二十卷

右世父封丘府君諱某字伯宇鑠廳中進士第黃魯直嘗薦之於蘇子瞻云晁伯宇謹厚守文元家法從游多長者其文已能如此年蓋未二十也願覆案袁本有子瞻二字一語教戒之子瞻答云晁伯宇詩騷細看甚奇麗信乎其家覆案袁本有之字多異材也雖然凡文至足之餘溢為奇偉今晁案袁本有君字文涉奇似太早可作朋友切磋之語以告之非謂其諱也恐傷其邁往之氣耳後坎壈終身卒官封丘丞

呂吉甫集二十卷

右皇朝呂惠卿字吉甫閩人王安石執政擢參知政事元祐覆案袁本無元祐二字初謫知福州紹聖後累領藩鎮有莊子解為文長於表奏

張無盡集二十二卷

右皇朝張商英字天覺登第調官陝覆案袁本作峽路章惇察訪巴蜀風采傾動西南峽中部使者憂之日夕謀所以待之之禮曲盡因覆案袁本無因字求辯博之士以備燕談或以天覺姓名告因檄召至夔州惇既至杯酒間果以人



材為問部使者即言之惇令召入天覺不冠服我巾長  
揖徑就坐左覆案袁本惇負氣敢大言天覺輒覆案袁本無輒

字吐言壓之惇大喜歸而薦於朝由是召用元祐中為

開封府推官出使河東紹聖初擢御史大觀四年長星

見蔡京罷相乃拜右僕射盡反京之政召用元祐遷客

天下翕然歸重暮年去位靖康初遂與司馬溫公范文

正公覆案袁本同日降制覆案袁本加贈官爵賜謚文忠

案袁本此下有疑范文正乃忠宣也八字

臨漢隱居集二十卷覆案袁本漢作溪

右皇朝魏泰字道輔襄陽人曾布子宣之妻弟幼爽邁  
能屬文嘗從徐禧晚節卜隱漢上人頗言其倚子宣之  
勢為鄉里患苦云

王履道初寮集十卷內制十八卷外制八卷

右皇朝王安中字履道真定人政和中有密薦於上者

自監大明案袁本作名。覆倉累擢掌內外制後拜太

保鎮燕山建炎初貶象州為文瓌奇高妙最長於制誥

李邴入翰林嘗請於上以方今詞林之式上首尾舉安

中覆案袁本之名自號初寮覆案袁本有先生二字



陳參政簡齋集二十卷

右皇朝陳與義字去非汝州葉縣人中進士第宣和中徽宗見其所賦墨梅詩喜之遂登冊府建炎中掌內外制拜參知政事以卒晚年詩尤工周葵得其家所藏五百餘篇刊行之號簡齋集

胡承公集十卷資古紹志集十卷

右皇朝胡世將字承公中進士科早受知覆案袁本晁無咎建炎南渡嘗直學士院終於資政殿學士川陝宣撫使為文敏瞻溫雅掌書命頗有能聲喜聚金石刻效

歐公集古錄為資古紹志集序云以成其先人之志故以紹志目其書

邵氏集二十卷

覆案見袁本後志

右皇朝邵溥字澤民進士第靖康初為戶部侍郎上踐祚以例貶官紹興中復待制宣撫川陝師事崇福十二父詩文早有能聲

汪彥章集十卷

此據袁本補亦見附志

右皇朝汪藻字彥章嘗為翰林學士

李易安集十二卷



右皇朝李格非之女幼有才藻名先嫁趙誠之

覆案袁本有才

藻名在此下無幼字

其舅正夫相徽宗朝李氏嘗獻詩曰炙手可

熱心可寒然無檢操後適張汝舟不終晚節流落江湖

間以卒

覆案袁本無後適張汝舟不終七字

### 洪覺範筠溪集十卷

右皇朝僧惠洪覺範姓

覆案袁本無姓字

喻氏高安人少孤能

緝文張天覺聞其名請住峽州天寧寺以為今世融肇

也未幾坐累民之及天覺當國復度為僧易名德洪數

延入府中及天覺去位制獄窮治其傳達言語於郭大

案袁本作天

信竄海南

案袁本作南海

島上後北歸建炎中卒著書

數萬言如林間錄僧寶傳冷齋夜話之類皆行於世然

多夸誕人莫之信云

### 饒德操集一卷

右皇朝饒節字德操曾布之客也性剛峻晚與布論不

合因棄去祝髮為浮屠在襄漢間聲望甚重云

覆案袁本無云

字

### 魏仲先草堂集二卷

覆案袁本二作一

### 鉅鹿東觀集二卷

右皇朝魏野字仲先陝州人志清逸以吟詠自娛忘懷



榮利隱於陝之東郊手植竹木繞以流泉鑿土袤丈曰  
樂天洞前立草堂為詩清苦句多警策與寇準王旦善  
每往來酬唱祀汾陰歲召不起卒贈著作郎集有薛田  
序鉅鹿東觀集乃野之子閑集其父詩四百篇以贈著  
作故以東觀名集

潘道遙詩三卷

右皇朝潘閻字道遙大名人通易春秋尤

覆案袁本無尤字

以

詩知名太宗嘗召對賜進士第將官使之不就王繼恩  
與之善繼恩下獄捕閻甚急久之弗得咸平初來京師

尹收繫之真宗釋其罪以為滁州參軍後卒於泗上與

王禹偁孫何柳開魏野交好最密集有祖無擇序錢易

張達皆碣其墓附於集後

覆案袁本無後字

蘇子瞻少年時過

一山院見壁上有句云

覆案袁本云作曰

夜涼知有兩院靜若

無僧而不知何人詩今集有

覆案袁本有作載

此聯乃閻夏日

宿西禪院詩也小說中謂閻坐盧多遜黨嘗追捕非也

林和靖詩三卷西湖紀逸一卷

覆案袁本作林君復集二卷無西湖

紀逸一卷

右皇朝林逋字君復杭州錢塘人少刻志為學結廬

覆案



袁本有 西湖之孤山真宗聞其名詔郡縣常存遇之善

行書喜為詩其語孤峭澄淡臨終作一絕曰茂陵他日

求遺藁猶喜初無封禪書或刻石置之其墓中賜諡曰

和靖先生 案袁本此下有集有梅聖俞序六字

### 石曼卿集一卷

右皇朝石延年字曼卿南京宋城人舉進士不中為三

班奉職改太常寺太祝遷祕閣校理 覆案袁本此下有能為詩書甚適麗

七字無氣貌云云至末 氣貌雄偉喜論事善書札縱酒不羈世多

傳其仙去其詩如春陰紅梅及樂意相關禽對語生香

不斷樹交花鶯聲不逐春光老花影常隨日脚流之句

至今諷詠焉

### 陳亞之集一卷

右皇朝陳亞 覆案袁本有之字 字亞之性滑稽喜賦藥名詩仕

至司封郎中藥名詩始於唐人張籍有江臯歲暮相逢

地黃葉霜前半下枝之詩人謂起於亞 覆案袁本有之字 實不

然也

### 蘇才翁集一卷

右皇朝蘇舜元字才翁子美兄也工草隸詩章 覆案袁本無章



字  
豪麗

杜師雄詩一卷

右皇朝杜默字師雄徂徠人石介作三豪篇所謂歌之  
豪者蘇子瞻頗陋之

鄭成之集十卷

右皇朝鄭褒字成之閩人登進士第慕韓愈為文陳詒  
為編次其集張景為之序

將歸集一卷

案袁本首有  
詹玠二字

右未詳何人有題林逋隱居詩當是昭陵時人也

徐仲車詩一卷

右皇朝徐積字仲車東莞人

黃虞部詩一卷

右皇朝黃觀昭陵時嘗將漕成都

邵堯夫擊壤集二十卷

右皇朝邵雍堯夫隱居洛陽熙寧中與常秩同召力辭  
不起遂於易數始為學至二十年不施枕榻

案袁本  
作而睡

其精思

覆案袁本  
無思字

如此歌詩蓋其餘事亦頗切理盛行

於時卒謚康節集自為序



韓持國詩三卷

覆案見袁本後志

右皇朝韓維字持國億之子也

覆案袁本後志此下有元豐中入翰林為學士

遷承旨哲宗初拜門下侍郎二十字

與其兄子華玉汝俱位宰相持國最

能詩世傳其醖醖絕句他多稱是

司馬才仲夏陽集兩卷

右皇朝司馬杲字才仲温公之姪孫元祐初與王當輩

同中賢良科調官錢塘喜賦宮體詩故世傳其為鬼物

所崇而卒

覆案袁本作調錢塘尉而卒末無而卒字

司馬才叔逸堂集十卷

右皇朝司馬棫字才叔才仲之弟也登進士第亦嘗應

賢良以黨錮不召詩雖纖豔比其兄稍莊雅

覆案袁本無登進士

云云至末

岷山百境詩二卷

覆案見袁本後志

右皇朝王宋字道輔少有能詩名世謂其詩初若不經

意然遣辭屬意清麗絕人自號南陔居士宣和中以狂

譎被譖伏誅

楊天隱詩十卷

覆案見袁本後志

右皇朝楊恬字天隱潼川人



韓子蒼集三卷

右皇朝韓駒字子蒼仙井人政和初詣闕上書特命以  
官累擢中書舍人權直學士院王甫嘗命子蒼詠其家  
藏太乙真人圖詩盛傳一世覆案袁本宣和間獨以能詩

稱云

覆案袁本  
間作廷臣

許表民詩十卷

覆案見袁  
本後志

右皇朝許彥國字表民青社人周邦彥稱其寬平優游  
中極物情惜乎流落不偶故世人知之者或寡也

東萊集二十卷外集二卷

覆案袁本作呂  
居仁集十卷

右皇朝呂本中字居仁好

覆案袁本好  
下衍學字

問右丞之長子

靖康初權尚書郎紹興中賜進士第除右史遷中書舍  
人已而落職奉祠少學山谷為詩嘗作江西宗派圖行  
於世

晁氏具茨集三卷

案書錄解題作十卷。覆  
案見袁本後志茨作次

右先君子詩集也呂本中以爲江西宗派曾慥亦稱公  
早受知於陳無已從兄以道嘗謂公宗族中最才華喻  
汝礪序其詩云予嘗從叔用商近朝人物嘉言善行朝  
章國典禮文損益靡不貫洽由叔用之學而達諸廊廟



溫厚足以代言淵博足以顧問則以詩鳴者是豈叔用  
之志也哉雖然叔用既已油然棲志於林澗曠遠之中  
遇事寫物形於興屬淵雅疎亮未嘗爲悽怨危憤之音  
予於是有以見叔用於消長用舍之際未嘗不安而樂  
之者也嗟乎所謂含章內奧而深於道者非邪秦漢以  
來士有抱奇懷能流落不遇往往躁心汗筆有怨誅沈  
抑之思氣候急刻不能閒遠古之詞人皆是也所以往  
往無所建立於天下唯深於道者遺於世而不怨發於  
辭而不怒君子是以知其必能有爲於世者也嗟乎吾

於叔用豈直以詩人命之哉

澗上文入詩二十卷

案袁本作陳叔易詩通考引  
晁氏盧氏拾補云是陳氏語

考書錄解題無之  
今仍據通考補入

右皇朝陳恬字叔易堯叟裔孫

覆案袁本無此  
下至末云云

也博學

有高志不從選舉躬耕於陽翟與鮮于綽崔鷗齊名號  
陽城三士又與晁以道同卜隱居於嵩山大觀中召赴  
闕除校書郎以道寄詩戲之曰處士何人爲作牙暫攜  
猿鶴到京華故山巖壑應惆悵六六峯前只一家未幾  
致仕還山建炎初再召避地桂嶺卒年七十四秩朝奉



郎直祕閣澗上丈人者其自號也詩句豪健嘗作古別  
離紀靖康之難一時傳誦之筆札清勁與人尺牘主皆  
藏弄以為寶云

### 參寥集十二卷

右皇朝僧道潛自號參寥子與蘇子瞻秦少游為詩友  
其詩清麗不類浮屠語世稱其東園贈歌者兩絕句餘  
多類此覆案袁本無世稱云云至末

### 希白詩三卷

覆案見袁本後志

右皇朝僧希白撰張逸序之曰希白能詩與宋白梁周

翰張詠而下十數公

覆案袁本有相字

友善其格律不減齊己

云

### 呂獻可奏章二十卷

覆案袁本作章奏

右皇朝呂誨字獻可

覆案袁本有洛陽人登進士第七字

熙寧中

覆案袁本作初

為御史中丞坐攻

覆案袁本坐攻作時

王安石

案袁本此下有棄官家居朝野稱其

才以為古今少倫神宗引參大政眾以為得人獻可獨  
以為不然居無何安石棄眾任己多變祖宗專汲汲斂  
民財所愛信引拔或非其人天下失望獻可屢爭不能  
得乃抗章曰誤天下蒼生必此人上遣使喻解執之愈

堅乃出九

十五字知鄧州司馬温公

覆案袁本有嘗字

服其知人

覆案袁本

有誌其墓三字

且序其章奏集云其草存者二百八十有九歷



讀書記卷十九  
四七  
觀古人有能得其一二者已可載之史籍在獻可蓋不足道也

孫莘老奏議十卷

右皇朝孫覺字莘老元豐末自祕書少監除右諫議大夫元祐初遷給事中吏部侍郎莘老素與王介甫善後為諫官論新法遂絕

范蜀公奏議二卷

覆案袁本范蜀公集十卷

右皇朝范鎮字景仁成都人舉進士為禮部第一仁宗朝知諫院後言王安石新法不便乞致仕歸潁昌元祐

初詔召不赴封蜀郡公年八十一謚忠文

河間公奏議十卷

右皇朝朱光庭

覆案袁本朱光庭作賈易

元祐中為諫官時所論事

也

包孝肅奏議十卷

右皇朝包拯字希仁合肥人天聖五年進士為御史中

丞知開封府為人剛嚴聞者皆憚之

案袁本有雖閭里童稚婦女亦知其

名性不苟合未嘗偽色辭以悅人平生無私書不受干請雖故人親黨一皆絕之四十一字

李公擇廬山奏議十七卷



右皇朝李常字公擇早年讀書於廬山熙寧中爲諫官  
論青苗法而罷元祐初爲御史中丞

案此條通考誤作陳氏今據袁本補

昭德先生郡齋讀書志卷第十九終

昭德先生郡齋讀書志卷第二十

門人姚應績編

總集類

李善注文選六十卷

右梁昭明太子蕭統纂前有序述其所以作之意蓋選漢迄梁諸家所著賦詩騷七詔冊令教策秀才文表上書啟彈事牋記書移檄難對問議論序頌贊符命史論連珠銘箴誄哀辭碑誌行狀弔祭文類之爲三十卷實常謂統著文選以何遜在世不錄其文蓋其人既往而



後其文克定然則所錄皆前人作也唐李善集注析爲六十卷善高宗時爲宏文學士博學經史百家無不備覽而無文時人謂之書簾初爲輯注博引經史釋事而忘其義書成上進問其子邕邕無言善曰非邪爾當正之於是邕更加以義釋解精於五臣今釋事加義者兩存焉蘇子瞻嘗讀善注而嘉之故近世復行

五臣注文選三十卷

右唐呂延祚集注延祚以李善止引經史不釋述作意義集呂延濟劉良張詵呂向李周翰五人注延祚不與

焉復爲三十卷開元六年延祚上之名曰五臣注

雜文章一卷

右孫巨源得之於祕閣載宋玉等賦頌五十八篇景迂生元豐甲子以李公擇本校正後有劉大經田爲王雲李端唐君益諸公題跋

文粹一百卷

右皇朝姚鉉字寶臣編鉉廬州人太平興國中進士文辭敏麗善書札藏書至多頗有異本累遷兩浙漕使

宋

鈔本袁本通考無使字

課吏寫書采唐世文章分門編類初爲五



十卷後復增廣之爲薛映倚其事奪官斥連州卒後其子以其書上獻詔藏內府命以一官

續古今詩苑英華集十卷

右唐僧惠淨撰輯梁武帝大同年中會三教篇至唐劉孝孫成臯望河之作凡一百五十四人歌詩五百四十八篇孝孫爲之序

珠英學士集五卷

右唐武后朝嘗詔武三思等修三教珠英一千三百卷預修書者凡四十七人崔融編集其所賦詩各題爵里

以官班爲次融爲之序

麗則集五卷

右唐李氏撰不著名集文選以後至唐開元詞人詩凡三百二十首分門編類貞元中鄭餘慶爲序

中興閒氣集三卷

右唐高仲武輯至德迄大厯中錢起以下二十六人詩自爲序以天寶叛渙述作中廢至德中興風雅復振故以名仍品藻衆作著之於前云或又題孟彥深纂

南薰集三卷



右唐竇常集韓翃至皎然三十人約三百六十篇凡三卷其序云欲勒上中下則近於褒貶題一二三則有等衰故以西掖南宮外臺為目人各係名係贊

本事詩一卷

右唐孟棻纂歷代詞人緣情感事之詩叙其本事凡七類

續本事詩二卷

右偽吳處常子撰未詳其人自有序云比覽孟初中本事詩輒搜篋中所有依前題七章類而編之然皆唐人

詩也

斷金集一卷

案此書已見別集類袁本通考俱復出唐志入總集類盧氏拾補云當歸

併於此兩處語詳畧不同

右唐令狐楚輯其與李逢吉酬唱詩什開成初裴夷直

序之

案此與袁鈔本同輯其二字袁刻本通考作韓琪疑誤通考所引與此畧異盧氏云當作陳氏考書

錄解題亦無韓琪

漢上題襟集十卷

右唐段成式輯其與溫庭筠余知古酬和詩筆牋題

松陵集十卷



右唐皮日休與陸龜蒙酬唱詩凡六百五十八首龜蒙編次之日休爲序松陵者平江地名也

唐賦二十卷

右唐科舉之文也蕭穎士裴度白居易薛逢陸龜蒙之作皆在焉

西崑酬唱集二卷

右皇朝楊億劉筠李宗諤晁某錢惟演及當時同館十五人唱和詩凡二百四十七章前有楊億序

唐宋類詩二十卷

右皇朝僧仁贊序稱羅唐兩士所編而不詳其名字分類編次唐及本朝祥符已前名人詩

唐百家詩選二十卷

右皇朝宋敏求次道編次道爲三司判官嘗取其家所藏唐人一百八家詩選擇其佳者凡一千二百四十六首爲一編王介甫觀之因再有所去取且題云欲觀唐詩者觀此足矣世遂以爲介甫所纂

寶刻叢章三十卷

右皇朝宋敏求次道編次道聚天下古今詩歌石刻凡



一千一百三十篇

案袁本通考有多有別集中所逸者八字

以其相附近者

相從又次以歲月先後王益柔爲之序云文章難能者莫如詩凡刻之金石則必其所自信爲佳句或爲人所愛重者故多有清新瓌麗之語覽者其深究焉

### 歲時雜詠二十卷

右皇朝宋綬編宣獻公昔在中書第三閣手編古詩及魏晉迄唐人歲時章什一千五百有六釐爲十八卷今溢爲二十卷云

### 仕塗必用集二十一卷

右皇朝祝熙載編本朝楊劉以後諸公表啟爲一編

### 丹陽類集十卷

右皇朝曾旼編丹陽今潤州春秋曰朱方秦曰丹徒孫權改名曰京口東晉僑立州郡至宋齊陳曰東海獨梁曰蘭陵而皆以徐州稱之隋始定今名唐以建康諸邑隸焉更爲丹陽郡元豐中旼守官於其地因采諸家之集始自東漢終於南唐凡得歌詩賦贊五百餘篇

### 雲臺編六卷

右皇朝耿思柔纂華州雲臺觀內古今君臣所題詩也



清才集十卷

右皇朝劉禹卿編輯古今題劍門篇什銘賦蒲逢為之序

瑤池新集一卷

右唐蔡省風集唐世能詩婦人李季蘭

案瞿鈔本與此同袁本通考作

秀蘭下有至字。覆案舊鈔袁本季蘭

程長文二十三人題詠一百十五

首各為小序以冠其首且總為序其畧云世叔之婦修史屬文皇甫之妻抱忠善隸蘇氏雅於回文蘭英擅於宮掖晉紀道韞之辯漢尚文姬之辭况今文明之盛乎

九僧詩集一卷

右皇朝僧希晝保暹文兆行肇簡長惟鳳惠崇宇昭

案原

本瞿鈔本袁本通考俱作惠業宇昭今據書錄解題及隨齋批注改。覆案本書惠崇宇昭不誤

懷古

也陳充為序凡一百十篇歐公曰進士許洞因會九僧

分題出一紙約曰不得犯一字其字乃山水風雲竹石

花草雪霜星日禽鳥之類於是諸僧皆閣筆此本出李

夷中家其詩可稱者甚多惜乎歐公不盡見之許洞之

約雖足以困諸僧然論詩者政不當爾蓋詩多識鳥獸

草木之名而楚辭亦寓意於颺風雲霓如池塘生春草



窗間列遠岫天際識歸舟雲中辨江樹蟬噪林逾靜鳥  
鳴山更幽庭草無人隨意綠宮漏出花遲楓落吳江冷  
空梁落燕泥微雲淡河漢踈雨滴梧桐殘星幾點鴈橫  
塞長笛一聲人倚樓雞聲茅店月人跡板橋霜之類莫  
不犯之若使諸公與許洞分題亦須閣筆矧其下者哉  
聖宋文粹三十卷

宋文海一百二十卷

右皇朝江鈿編案袁本鈿作改書錄解題輯本朝諸公  
所著賦詩表啟書論說述議記序傳文贊頌銘碑制詔  
疏詞誌輓祭禱文凡三十八門雖頗該博而去取無法

皇宋詩選五十七卷

右皇朝曾慥編慥魯公裔孫守贛川帥荆渚日選本朝  
自寇萊公以次至僧璉二百餘家詩序云博采旁搜拔  
尤取穎悉表而出焉

西漢文類二十卷

右唐柳宗直撰其兄宗元嘗爲之序至本朝其書亾陶



氏者重編纂成之

東漢文類三十卷

右五代竇儼編

唐文類三十卷

右皇朝陶叔獻編

漢唐策要十卷

右皇朝陶叔獻編

綸言集一百卷

右或編國朝制冊詔語成此書以其皆王言也故以爲

名

高麗詩三卷

右元豐中高麗遣崔思齊李子威高琥康壽平李穗入貢上元宴之於東闕下神宗製詩賜館伴畢仲行仲行與五人者及兩府皆和進其後使人金梯朴黃亮裴某李絳孫盧柳金花珍等塗中酬唱七十餘篇自編之爲西上雜詠絳孫爲之序

太平盛典二十三卷

右或編政和間制誥表章多有可觀者



文說類

文心雕龍十卷

右晉劉勰撰

案錢氏大昕云勰梁人

評自古文章得失別其體制

凡五十篇各係之以贊云余嘗題其後曰世之詞人刻  
意文藻讀書多滅裂杜牧之以龍星為真龍王摩詰以  
去病為衛青昔人譏之然不足怪詩賦蓋卒爾之作故  
也今勰著書垂世自謂嘗夢執丹漆器隨仲尼南行自  
負不淺乃論說篇稱論語以前經無論字六韜三論後  
人追題殊不知書有論道經邦之言其疎畧殆過於王

杜矣

案盧氏拾補云論道經邦乃晚出古文不足為據錢氏大昕云彥和未嘗誤

修文要訣一卷

右偽蜀馮鑑撰雜論為文體式評其謬誤以訓初學云

金鍼詩格三卷

右唐白居易撰居易自謂與劉禹錫元稹皆以詩擅名  
當世撮詩之體要為一格以病得鍼而愈詩亦猶是也  
故曰金鍼集

續金鍼詩格一卷

右皇朝梅堯臣聖俞撰聖俞遊廬山宿西林與僧希白



談詩因廣樂天所述云

李公詩苑類格三卷

右皇朝李淑撰寶元三年豫王出閣淑爲王子傅因纂成此書上之述古賢作詩體格

案瞿鈔本袁本通考有總九十目四字

杜詩刊誤一卷

右皇朝王仲至撰

韓文辨證八卷

右皇朝洪興祖討論韓愈詩文推考其根源因以訂正其訛謬頗爲該洽云

韓柳文章譜三卷

右皇朝黃大輿撰大輿之意以爲文章有老莊之異故取韓愈柳宗元文章爲三譜其一取其詩文中官次年月可考者次第先後著其初晚之異也其一悉取其詩文比叙之其一列當時君相於上以見二人之出處極爲詳悉

天廚禁嚮三卷

右皇朝釋惠洪撰論諸家詩格



昭德先生郡齋讀書志卷第二十終

昭德先生郡齋讀書志後叙

昭德晁公侍郎僑居蜀嘉定之峨眉平生著書有易詩書春秋解考其異同甚詳又作讀書志皆鋟版大父及嚴君喜藏書在嘉定時嘗摹而藏之及南來不能悉與俱今併他所藏燬矣讀書志偶在篋中鈞謹刻置信安郡齋不惟使晁氏平生之功得以表見而觀者按其目而訪求焉庶亦可使古書之不泯云

淳祐己酉夏五郡守南充游鈞識



富孫少喜覽藝文簿錄史志外以晁氏讀書志陳氏書  
錄解題爲最善蓋每書之下論其大旨而一書之本末  
具見讀書志向有三衢袁州兩本故宋史藝文志目錄  
傳記類復見一佗四卷一佗二十卷直齋書錄馬氏經  
籍攷竝傳讀書志二十卷是爲衢本馬氏所采皆據此  
今世行者惟海昌陳氏所彙袁州本先止四卷較衢本  
幾缺其半此蓋晁氏初彙趙希弁校以鐫梓後希弁得  
衢本見其部帙增多復爲後志二卷然仍有脫漏并論  
說多所刪削非晁氏之本真矣且經轉寫譌繆奪落不



可悉舉嘗以未見衢本爲憾頃厲吳門獲與汪閔原觀察交觀察好古嗜書儲臧日富茲以顧君澗賔所鈔衢本屬校烏馬陶陰錯脫處至不可讀兼書目別集兩類奪去一百餘種錢詹事養新錄言瞿君中溶購得鈔白衢本以惜無好事彗行之此書近存黃堯圃主事處復段得讎勘其書目類無鈹葉別集類劉中山刀筆集以下所闕正同瞿君以袁州本細爲校注末有錢詹事跋語富孫爰參攷互證其所譌脫皆爲譔正沾益之竝取袁州本洎經籍攷以增補其闕失始得成爲完書是書

世眇足本顧君以爲無從補全瞿君欲據袁本補足盧抱經學士鈔本亦塵摘趙志補於後而今廼復還晁氏之舊倘得付諸剞劂以公同好流布海內實有厚幸焉  
嘉慶己卯春二月嘉興李富孫跋



昭德先生郡齋讀書志讎校舛誤撮論大旨與陳氏直齋書錄解題同爲目錄之冠夫古書夥矣藏弄雖富未必能備即備矣又未必能讀惟從事於諸家簿錄庶古人作書之旨開卷瞭然亦可爲多聞之一助陳錄採入四庫海內已家置一帙晁氏讀書志向有三衢袁州兩本卷數多寡不同海昌陳氏所刊乃係袁本而衢本較爲完善獲觀者鮮錢竹汀詹事博學好古嘗言瞿君中溶購得鈔白衢本惜無好事刊行鐘竊不自量亦頗願公諸同好因出家塾藏本屬嘉禾李君鄉沚與吳縣黃



丈藁圃互相商榷增補闕失一字訂訛往來之書日再  
三返也閱十月而書成其讎校舛誤亦猶昭德先生之  
苦心也夫大雅君子更有以擴鐘之見聞則尤幸甚剖  
劂將竣誌其緣起如此

嘉慶二十四年己卯十二月茂苑汪士鐘跋





